

摘藻堂四庫全書薈要

集部

欽定四庫全書薈要卷一萬七千六百三

集部

御定全唐詩卷一百九十八

岑參

岑參南陽人文本之後少孤貧篤學登天寶三載進士
第由率府參軍累官右補闕論斥權佞改起居郎尋出
為虢州長史復入為太子中允代宗總戎陝服委以書
奏之任由庫部郎出刺嘉州杜鴻漸鎮西川表為從事
以職方郎兼侍御史領幕職使罷流寓不還遂終於蜀

參詩辭意清切迴拔孤秀多出佳境每一篇出人競傳
寫比之吳均何遜焉集八卷今編四卷

北庭西郊候封大夫受降回軍獻上

胡地首霜美輪臺征馬肥大夫討匈奴前月西出師甲
兵未得戰降虜來如歸索駝何連連穹帳亦纍纍陰山
烽火滅劔水羽書稀却笑霍嫖姚區區徒爾為西郊候
中軍平沙懸落暉驛馬從西來雙節夾路馳喜鵲捧金
印蛟龍盤畫旗如公未四十富貴能及時直上排青雲

傍看疾若飛前年斬樓蘭去歲平月支天子日殊寵朝
廷方見推何幸一書生忽蒙國士知側身佐戎幕斂衽
事邊陲自逐定遠侯亦着短後衣近來能走馬不弱并
州兒

初至西虢官舍南池呈左右省及南宮諸故人
黜官自西掖待罪臨下陽空積犬馬戀豈思鷓鴣行素
多江湖意偶佐山水鄉滿院池月靜捲簾溪雨涼軒窓
竹翠濕案牘荷花香白鳥上衣桁青苔生筆牀數公不

可見一別盡相忘敢恨青瑣客無情華省即早年迷進
退晚節悟行藏他日能相訪嵩南舊草堂

過梁州奉贈張尚書大夫公

漢中二良將今昔各一時韓信此登壇尚書復來斯手
把銅虎符身總丈人師錯落北斗星照耀黑水渚英雄
若神授大材濟時危頃歲遇雷雲精神感靈祇勲業振
青史恩德繼鴻私羌虜昔未平華陽積僵屍人煙絕墟
落鬼火依城池巴漢空水流褒斜惟鳥飛自公布德政

此地生光輝百堵創里閭千家恤惻嫠層城重鼓角甲
士如熊羆坐嘯風自調行春雨仍隨芄芄麥苗長藹藹
桑葉肥浮客相與來羣盜不敢窺何幸承嘉惠少年即
相知富貴情易踈相逢心不移置酒宴高館嬌歌雜青
絲錦席繡拂廬玉盤金屈卮春景透高戟江雲篲長麾
攬馬嘶柳陰美人映花枝門傳大夫印世擁上將旗承
家令名揚許國苦節施戎幕寧久駐台階不應遲別有
彈冠士希君無見遺

登北庭北樓呈幕中諸公

嘗讀西域傳漢家得輪臺古塞千年空陰山獨崔嵬二
庭近西海六月秋風來日暮上北樓殺氣凝不開大荒
無鳥飛但見白龍堆即舊國眇天末歸心日悠哉上將
新破胡西郊絕煙埃邊城寂無事撫劔空徘徊幸得趨
幕中託身厠羣才早知安邊計未盡平生懷

初過隴山途中呈宇文判官

一驛過一驛驛騎如星流平明發咸陽暮及隴山頭隴

水不可聽嗚咽令人愁沙塵撲馬汗霧露凝貂裘西來
誰家子自道新封侯前月發安西路上無停留都護猶
未到來時在西州十日過沙磧終朝風不休馬走碎石
中四蹄皆血流萬里奉王事一身無所求也知塞垣苦
豈為妻子謀山口月欲出先照闕城樓谿流與松風靜
夜相颼颼一作颼別家一作來賴歸夢山塞多離憂與子且
攜手不愁前路脩

陪狄員外早秋登府西樓因呈院中諸公

常愛張儀樓西山正相當千峰帶積雪百里臨城牆煙
氛掃晴空草樹映朝光車馬隘百井里閉盤二江亞相
自登壇時危安此方威聲振蠻貊惠化鍾華陽旌節羅
廣庭戈鋌凜秋霜階下貔虎士幕中鷓鴣行今我忽登
臨顧恩不望鄉知己猶未報鬢毛颯已蒼時命難自知
功業豈暫忘蟬鳴秋城夕鳥去江天長兵馬休戰爭風
塵尚蒼茫誰當共攜手賴有冬官郎

冬夜宿仙遊寺南涼堂呈謙道人

太乙連太白兩山知幾重
路盤石門窄匹馬行才通
日西到山寺林下逢
支公昨夜山北時
星星聞此鐘
秦女去已久
仙臺在中峰
簫聲不可聞
此地留遺蹤
石潭積黛色
每歲投金龍
亂流爭迅湍
噴薄如雷風
夜來聞清磬
月出蒼山空
空山滿清光
水樹相玲瓏
迴廊映密竹
秋殿隱深松
燈影落前谿
夜宿水聲中
愛茲林巒好
結宇向谿東
相識唯山僧
鄰家一釣翁
林晚栗初拆
枝寒梨已紅
物幽興易愜
事勝趣彌濃
願謝區中緣
永依金

人宮寄報乘輦客簪裾爾何容

潼關鎮國軍勾覆使院早春寄王同州

胡寇尚未盡大軍鎮關門旌旗遍草木兵馬如雲屯
朝正用武諸將皆承恩不見征戰功但聞歌吹喧儒生
有長策閉口不敢言昨從關東來思與故人論何為廊
廟器至今居外藩黃霸寧淹留蒼生望騰騫卷簾見西
岳仙掌明朝暎昨夜聞春風戴勝過後園各自限官守
何由叙涼溫離憂不可忘襟背思樹萱

青山峽口泊舟懷狄侍御

峽口秋水壯沙邊且停橈奔濤振石壁峯勢如動搖九
月蘆花新彌令客心焦誰念在江島故人滿天朝無處
豁心胸憂來醉能銷往來巴山道三見秋草彫狄生新
相知才調凌雲霄賦詩析造化入幕生風飈把筆判甲
兵戰士不敢驕皆云梁公後遇鼎還能調離別倏經時
音塵殊寂寥何當見夫子不歎鄉關遙

寄青城龍谿真道人

五嶽之丈人西望青曹曹

一作惜惜

雲開露崖嶠百里見石

稜龍谿盤中峰上有蓮華僧絕頂小

一作少

蘭若四時嵐

氣一作翠

凝身同雲虛無心與谿清澄誦戒龍每聽賦詩

人則稱杉風吹

一作冷

袈裟石壁懸孤燈久欲謝微祿誓

將歸大乘願聞開士說庶以心相應

梁州對雨懷麴二秀才便呈麴大判官時疾贈

余新詩

江上雲氣黑崑山昨夜雷水惡平明飛雨從蟠冢來濛

濛隨風過蕭颯鳴庭槐
隔簾濕衣巾當暑涼
幽齋麴生住相近
言語阻且乖
臥疾不見人
午時門始開
終日看本草
藥苗滿前階
兄弟早有名
甲科皆秀才
二人事慈母
不弱古老萊
昨歎攜手遲
未盡平生懷
愛君有佳句
一日吟幾迴

潼關使院懷王七季友

王生今才子

一作人

時輩咸所仰
何當見顏色
終日勞夢

想驅車到闕下
欲往阻河廣
滿目徒春華
思君罷心賞

開門見太華朝日映高掌忽覺蓮花峰別來更如長無
心顧微祿有意在獨往不負林中期終當出塵網

至

一作官

大梁却寄匡

一作康

城主人

一從棄魚釣十載干明王無由謁天階却欲歸滄浪仲
秋至東郡遂見天雨霜昨日夢故山蕙草

一作芳蕙

色已黃

平明辭鐵丘薄暮遊大梁仲秋蕭條景拔刺飛鵝鷓四

郊陰氣

一作氛

閉萬里無晶光長風吹白茅野火燒枯桑

故人南燕吏籍籍名更香聊以玉壺贈置之君子堂

宿華陰東郭客舍憶閭防

次舍山郭近解鞍鳴鐘時主人炊新粒行子充夜飢闕
月生首陽照見華陰祠蒼茫秋山晦蕭瑟寒松悲久從

園廬別遂與朋

一作相

知辭舊壑蘭杜晚歸軒今已遲

宿東谿王屋李隱者

山店不鑿井百家同一泉晚來南村黑雨色和人煙霜
畦吐寒菜沙鴈噪河田隱者不可見天壇飛鳥邊

郊行寄杜位

嶒嶒空城煙淒清

一作涼

寒山景秋風引歸夢昨夜到汝

潁近寺聞鐘聲映陂見樹影所思何由見東北徒引領

懷葉縣闕操姚曠韓涉李叔齊

數子皆故人一時吏宛葉經年總不見書札徒滿篋斜
日半空庭旋風走梨葉去君千里地言笑何時接

西蜀旅舍春歎寄朝中故人呈狄評事

春與人相乖柳青頭轉白生平未得意覽鏡私自惜四
海猶未安一身無所適自從兵戈動遂覺天地窄功業

悲後時光陰歎虛擲却為文章累幸有開濟策何負當
途人無心矜窘厄回瞻後來者皆欲肆一作相輜轆起草
思南宮寄言憶西掖時危任舒卷身退知損益窮巷草
轉深閒門日將夕橋西暮雨黑籬外春江碧昨者初識
君相看俱是客聲華同道術世業通往昔早須歸天階
不得安孔席吾先稅歸鞅舊國如咫尺

太白東溪張

一作李

老舍即事寄舍弟姪等

一本題上

有宿字題

下無等字

渭上秋雨過北風何

一作暮

騷騷天晴諸山出太白峰最

高主人東溪老兩耳生長毫遠近知百歲子孫皆二毛
中庭井闌上一架獼猴桃石泉飯香粳酒甕開新槽愛
茲田中趣始悟世上勞我行有勝事書此寄爾曹

上嘉州青衣山中峰題惠淨上人幽居寄兵部

楊郎中

並序

青衣之山在大江之中屹然迴絕崖壁蒼峭周廣
七里長波四匝有惠淨上人廬于其顛唯繩牀竹

杖而已恒持蓮花經十年不下山予自公浮舟聊
一登眺友人夏官弘農楊侯清談之士也素工為
文獨立於世與余有方外之約每多獨往之意今
者幽躅勝槩歎不得與此公俱爰命小吏刮磨石
壁以識其事乃詩以達楊友爾

青衣誰開鑿獨在水中央浮舟一躋攀側逕緣一作沿穹

蒼絕頂詣一作訪老僧豁然登上方諸嶺一何小三江奔

茫茫蘭若向西開峨眉正相當猿鳥樂鐘磬松蘿泛天

香江雲入袈裟山月吐繩牀早知清淨理久乃機心忘
尚以名宦拘聿來夷獠鄉吾友不可見鬱為尚書郎早
歲愛丹經留心向青囊渺渺雲智遠幽幽海懷長勝賞
欲與俱引領遙相望為政媿無術分憂幸時康君子滿
天朝老夫憶滄浪況值廬山遠抽簪歸法王

入劔門作寄杜楊二郎中時二公並為杜元帥
判官

不知造化初此山誰開圻雙崖倚天立萬仞從地劈雲

飛不到頂鳥去難過壁速駕畏巖傾單行愁路窄平明
地仍黑停午日暫赤凜凜三伏寒巉巉五丁迹與時忽
開閉作固或順逆磅礴跨岷峨魏蟠限蠻貊星當背參
分地處西南僻陡覺煙景殊香將華夏隔劉氏昔顛覆
公孫曾敗績始知德不脩恃此險何益相公總師旅遠
近罷金革杜母來何遲蜀人應更惜暫回丹青慮少用
開濟策二友華省郎俱為幕中客良籌佐戎律精理皆
碩畫高文出詩騷典學窮討贖聖朝無外戶寰宇被德

澤四海今一家徒然劔門石

鞏北秋興寄崔明允

白露披梧桐玄蟬晝夜號
秋風萬里動日暮黃雲高
君子佐休明小人事蓬蒿
所適在魚鳥焉能狗錐刀
孤舟向廣武一鳥歸成臯
勝槩日相與思君心鬱陶

春遇南使貽趙知音

端居春心醉襟背思樹萱
美人在南州為爾歌北門
北風吹煙物戴勝鳴中園
枯楊長一作抽新條芳草滋舊根

網絲結寶琴塵埃被空樽適遇江海信聊與南客論

冀州客舍酒酣貽王綺寄題南樓

時王子欲應制舉西上

夫子傲常調詔書下徵求知君欲謁帝秣馬趨西周逸
足何駸駸美聲實風流學富贍清詞下筆不能休君家
一何盛赫奕難為儔伯父四五人同時為諸侯憶昨始
相值值君客貝丘相看復乘興攜手到冀州前日在南
縣與君上北樓野曠不見山白日落草頭客舍梨花繁
深花隱鳴鳩南鄰新酒熟有女彈箜篌醉後或狂歌酒

醒滿離憂主人不相識此地難淹留吾廬終南下堪與
王孫遊何當肯相尋澧上一孤舟

終南雲際精舍尋法澄上人不過歸高冠東潭
石淙望秦嶺微雨作貽友人

昨夜雲際宿旦

一作道

從西峰

一作嶺一作風

回不見林中僧微

雨潭上來諸峰皆青翠秦嶺獨不開石鼓有時鳴秦王
安在哉東南雲開處突兀猶猴臺崖口懸瀑流半空白

皚皚

河嶽英靈無上四句有水深斷山口吼沫相喧陔二句

噴壁四時雨傍村終

日雷北瞻長安道日夕生塵埃若訪張仲蔚衡門滿

一作

映
蒿萊

敬酬杜華淇上見贈兼呈熊曜

杜侯實才子盛名不可及祇曾效一作一官今已年四

十是君同時者已有尚書郎憐君獨未遇淹泊在他鄉

我從京師來到此喜相見共論窮途事不覺淚滿面憶

昨癸未歲吾兄自江東得君江湖詩骨氣凌謝公熊生

尉淇上開館常待客喜我二人來歡笑朝復夕縣樓壓

春岸戴勝鳴花枝吾徒在舟中縱酒兼彈碁三月猶未
還寒愁滿春草賴蒙瑤華贈諷詠慰懷抱

酬成少尹駱谷行見呈

聞君行路難惆悵臨長衢豈不憚險艱王程剩相拘憶
昨蓬萊宮新授刺史符明主仍賜衣價直千萬餘何幸
承命日得與夫子俱攜手出華省連鑣赴長途五馬當
路嘶按節投蜀都千崖一作巖信縈折一徑何盤紆層冰
滑征輪密竹礙隼旟深林迷昏旦棧道凌空虛飛雪縮

馬毛烈風擘我膚峰攢望天小亭午見日初夜宿月近
人朝行雲滿車泉澆石罅坼火入松心枯亞尹同心者
風流賢大夫榮祿上及親之官隨板輿高價振臺閣清
詞出應徐成都春酒香且用俸錢沽浮名何足道海上
堪乘桴

號中酬陝西甄判官見贈

微才棄散地拙宦慙清時白髮徒自負青雲難可期胡
塵暗東洛亞相方出師分陝振鼓鼙二嶠滿旌旗夫子

廊廟器迥然青冥安閩外佐戎律幕中吐兵竒前者驛
使來忽枉行軍詩晝吟庭花落夜諷山月移昔君隱蘇
門浪跡不可羈詔書自徵用令譽天下知別來春草長
東望轉相思寂寞山城暮空聞畫角悲

送許子擢第歸江寧拜親因寄王大昌齡

建業控京口金陵款滄溟君家臨秦淮傍對石頭城十
年自勤學一鼓遊上京青春登甲科動地聞香名解榻
皆五侯結交盡羣一作英六月槐花飛忽思萼菜羹跨

馬出國門丹陽返柴荆楚雲引歸帆淮水浮客程到家

拜親時入門有光榮鄉人盡來賀置酒相邀迎間眺北

顧

一作登江
一作因登

樓醉眠湖上亭月從海門出照見茅山青

昔為帝王州今幸天下一作平五朝變人世千載空江

聲玄元告靈符丹洞獲其銘皇帝受玉冊羣臣羅天庭

喜氣薄太陽祥光徹宵冥奔走朝萬國崩騰集百靈王

兄尚謫宦屢見秋雲生孤城帶後湖心與湖水清一縣

無諍辭有時開道經黃鶴垂兩翅徘徊但悲一作鳴相

悲且

思不可見空望牛女星

武威送劉單判官赴安西行營便

仗一作

呈高開

府

熱海亘鐵門火山赫金方白草磨天涯胡沙莽茫茫夫
子佐戎幕其鋒利如霜中歲學兵符不能守文章功業
須及時立身有行藏男兒感忠義萬里志越鄉孟夏邊
候遲胡國草木長馬疾過飛鳥天窮超夕陽都護新出
師五月發軍裝甲兵二百萬錯落黃金光揚旗拂崑崙

伐鼓震蒲昌太白引官軍天威臨大荒西望雲似蛇戎
夷知喪亡渾驅大宛馬繫取樓蘭王曾到交城風土
斷人腸寒驛遠如點邊烽互相望赤亭多颼風鼓怒不
可當有時無人行沙石亂飄揚夜靜天蕭條鬼哭夾道
傍地上多髑髏皆是古戰場置酒高館夕邊城月蒼蒼
軍中宰肥牛堂上羅羽觴紅淚金燭盤嬌歌豔新妝望
君仰青冥短翮難可翔蒼然西郊道握手何慨慷

送王大昌齡赴江寧

對酒寂不語，悵然悲送君。明時未得用，白首徒攻文。
澤國從一官，滄波幾千里。羣公滿天闕，獨去過淮水。
舊家富春者，嘗憶臥江樓。自聞君欲行，頻望南徐州。
窮巷獨閉門，寒燈靜深屋。北風吹微雪，抱被肯同宿。
君行到京口，正是桃花時。舟中饒孤興，湖上多新詩。
潛虬且深蟠

黃鵠舉未

一作鶴飛來

晚惜君青雲，器努力加餐飯。

送祁樂歸河東

祁樂後來秀，挺身出河東。往年詣驪山，獻賦溫泉宮。天

子不召見揮鞭遂從戎前月還長安囊中金已空有時

忽乘興畫出江上峰牀頭蒼梧雲簾下天台松忽如高

堂上颯颯生清

一作聞江

風五月火雲屯氣燒天地紅鳥且

不敢飛子行如轉蓬少華與首陽隔河勢爭雄新月河

上出清光滿關中置酒灞亭別高歌披心胸君到故山

時為謝五

一作君謝

老翁

北庭貽宗學士道別

萬事不可料歎君在軍中讀書破萬卷何事來從戎曾

逐李輕車西征出太蒙荷戈月窟外擐甲崑崙東兩度
皆破胡朝廷輕戰功十年祇一命萬里如飄蓬容鬢老
胡塵衣裘脆邊風忽來輪臺下相見披心胸飲酒對春
草彈碁聞夜鐘今且還龜茲臂上懸角弓平沙向旅館
匹馬隨飛鴻孤城倚大磧海氣迎邊空四月猶自寒天
山雪濛濛君有賢主將何謂泣途窮時來整六翮一舉
凌蒼穹

送許拾遺恩歸江寧拜親

詔書下青瑣駟馬還吳洲東帛仍賜衣恩波漲滄流微
祿將及親向家非遠遊看君五斗米不謝萬戶侯適出
西掖垣如到南徐州歸心望海日鄉夢登江樓大江盤
金陵諸山橫石頭楓樹隱茅屋橋林繫漁舟種藥疏故
畦釣魚垂舊釣對月京口夕觀濤海門秋天子憐諫官
論事不可

一作肯

休早來丹墀下高駕無淹留

虢州郡齋南池幽興因與閭二侍御道別

池色淨天碧水涼雨淒淒快風從東南荷葉翻向西性

本愛魚鳥未能返巖谿中歲徇微官遂令心賞睽及茲
佐山郡不異尋幽棲小吏趨竹徑訟庭侵藥畦胡塵暗
河洛二陝震鼓鼙故人佐戎軒逸翮凌雲霓行軍在函
谷兩度聞鶯啼相看紅旗下飲酒白日低聞君欲朝天
駟馬臨道嘶仰望浮與沈忽如雲與泥夜眠驛樓月曉
發關城雞惆悵西郊暮鄉書對君題

青龍招提歸一上人遠遊吳楚別詩

久交應真侶最歎青龍僧棄官向二年削髮歸一乘了

然瑩心身潔念樂空寂名香泛牕戶幽磬清曉夕往年
仗一劔由是佐二庭於焉久從戎兼復解論兵世人猶
未知天子願相見朝從青蓮宇暮入白虎殿宮女擎錫
杖御筵出香爐說法開藏經論邊窮陣圖亡機厭塵喧
浪迹向江海思師石可訪惠遠峰猶在今旦飛錫去何
時持鉢還湖煙冷吳門淮月銜楚山一身如浮雲萬里
過江水相思眇天末

一作外

南望無窮已

送李翥遊江外

相識應十載見君只一官家貧祿尚薄霜降衣仍單惆
悵秋草死蕭條芳歲闌且尋滄洲路遙指

一作望

吳雲端

匹馬關塞遠孤舟江海寬夜眠楚煙濕曉飯湖山寒砧
淨紅鱠落袖香朱橘團帆前見禹廟枕底聞嚴灘便獲
賞心趣豈歌行路難青門須醉別少為解征鞍

送王著作赴淮西幕府

燕子與百勞一西復一東天空信寥廓翔集何時同知
已悵難遇良朋非易逢憐君心相親與我家又通言笑

日無度書札凡幾封湛湛萬頃陂森森千丈松不知有
機巧無事干心胸滿堂皆酒徒豈復羨王公早年抱將
略累歲依幕中昨者從淮西歸來奏邊功承恩長樂殿
醉出明光宮逆旅悲寒蟬客夢驚飛鴻發家見春草却
去聞秋風月色冷楚城淮光透霜空各自務功業當須
激深衷別後能相思何嗟山水重

送張秘書充劉相公通汴河判官便赴江外覲

省

前年見君時見君正泥蟠去年見君處見君已風搏朝
趨赤墀前高視青雲端新登麒麟閣適脫豸冠劉公
領舟楫汴水揚波瀾萬里江海通九州天地寬昨夜動
使星今旦送征鞍老親在吳郡令弟雙同官鱸膾剩堪
憶尊羹殊可餐既參幕中畫復展膝下歡因送故人行
試歌行路難何處路最難最難在長安長安多權貴珂
珮聲珊珊儒生直如弦權貴不須干斗酒取一醉孤琴
為君彈臨岐欲有贈持以握中蘭

冬宵家會餞李郎司兵赴同州

急管雜青絲玉瓶金屈卮寒天高堂夜撲地飛雪時賀
君關西掾新綬腰下垂白面皇家郎逸駟青雲姿明日
之官去他辰良會稀惜別冬夜短務歡盃行遲季女猶
自小老夫未令歸且看匹馬行不得鳴鳳飛昔歲到馮
翊人煙接京師曾上月樓頭遙見西嶽祠沙苑逼官舍
蓮峰壓城池多暇或自公讀書復彈棊州縣信徒勞雲
霄亦可期應湏力為政聊慰此相思

送顏平原

并序

十二年春有詔補尚書十數公為郡守上親賦詩
觴羣公宴于蓬萊前殿仍贈以繒帛寵餞加等參
美顏公是行為寵別章句

天子念黎庶詔書換諸侯仙郎授剖符華省輟分憂置
酒會前殿賜錢若山丘天章降三光聖澤該九州吾兄
鎮河朔拜命宣皇猷駟馬辭國門一星東北流夏雲照
銀印暑雨隨行軸赤筆仍在篋鑪香惹衣裘此地鄰東

溟孤城弔滄州海風掣金戟導吏呼鳴騶郊原北連燕
剽劫風未休魚鹽隘里巷桑柘盈田疇為郡豈淹旬政
成應未秋易俗去猛虎化人似馴鷗蒼生已望君黃霸
寧久留

送狄員外巡按西山軍

得霽字

兵馬守西山中國非得計不知何代策空使蜀人弊八
州崖谷深千里雲雪閉泉澆閣道滑水凍繩橋脆戰士
常苦飢糗糧不相繼胡兵猶不歸空山積年歲儒生識

損益言事皆審諦
狄子幕府郎有謀
必康濟胸中懸明
鏡照耀無巨細
莫辭冒險艱可以
裨節制相思江樓
夕愁見月澄霽

虢州送鄭興宗弟歸扶風別廬

佐郡已三載豈能
長後時出關少親
友賴汝常相隨今
旦忽言別愴然俱
淚垂平生滄洲意
獨有青山知州縣
不敢說雲霄誰敢
期因懷東谿老最
憶南峰緇為我多
種藥還山應未遲

澧頭送蔣侯

君住澧水北我家澧水西
兩村辨喬木五里聞鳴雞
飲酒溪雨過彈棊山月低
徒聞一作開蔣生徑爾去誰相攜

送永壽王贊府還

一作遙歸縣得蟬字

當官接閒暇暫得歸林泉
百里路不宿兩鄉山復連
夜深露濕簟月出風驚蟬
且盡主人酒為君從醉眠

南池宴餞辛子賦得蚪斗子

臨池見蚪斗羨爾樂有餘
不憂網與釣幸得免為魚
且

願充文字登君尺素書

登嘉州凌雲寺作

寺出飛鳥外青峰戴朱樓
搏壁躋半空喜得登上頭
始知宇宙濶下看三江流
天晴見峩眉如向波上浮
迴曠煙景豁陰森棕枿稠
願割區中緣永從塵外遊
迴風吹虎穴片雨當龍湫
僧房雲濛濛夏月寒飈飈
回合俯近郭寥落見遠舟
勝槩無端倪天宮可淹留
一官詎足道欲去令人愁

與高適薛據登慈恩寺浮圖

塔勢如湧出孤高聳天宮登臨出世界磴道盤虛空
突兀壓神州崢嶸如鬼工四角礙白日七層摩蒼穹
下窺指高鳥俯聽聞驚風連山若波濤奔湊似朝東
青槐夾馳道宮館何玲瓏秋色從西來蒼然滿關中
五陵北原上萬古青濛濛淨理了可悟勝因夙所宗
誓將挂冠去覺道資無窮

登千福寺楚金禪師法華院多寶塔

多寶滅已久蓮華付吾師寶塔凌太空忽如湧出時數
年功不成一志堅自持明主親夢見世人今始知千家
獻黃金萬匠磨琉璃既空泰山木亦罄天府賞焚香如
雲屯幡蓋珊珊垂悉窅神繞護衆魔不敢窺作禮覩靈
境焚香方證疑庶割區中緣脫身恒在茲

出關經華嶽寺訪法華雲公

野寺聊解鞍偶見法華僧開門對西嶽石壁青稜層竹
徑厚蒼苔松門盤紫藤長廊列古畫高殿懸孤燈五月

山雨熱三峰火雲蒸側聞樵人言深谷猶積冰久願尋
此山至今嗟未能謫官忽東走王程苦相仍欲去戀雙
樹何由窮一乘月輪吐山郭夜色空清澄

春半與羣公同遊元處士別業

郭南處士宅門外羅羣峰勝槩忽相引春華今正濃山
厨竹裏爨野碓藤間春對酒雲數片捲簾花萬重巖泉
嗟到晚州縣欲歸慵草色帶朝雨灘聲兼夜鐘愛茲清
俗慮何事老塵容况有林下約轉懷方外蹤

陪羣公龍岡寺泛舟

得盤字

漢水天一色寺樓波底看鐘鳴長空夕月出孤舟寒映
酒見山火隔簾聞夜灘紫鱗掣芳餌紅燭然金盤良友
興正愜勝遊情未闌此中堪倒載須盡主人歡

終南山雙峰草堂作

斂跡歸山田息心謝時輩晝還草堂臥但與雙峰對興
來恣佳遊事愜符勝槩著書高牕下日夕見城內曩為
世人誤遂負平生愛久與林壑辭及來松杉大偶茲近

精廬屢得名僧會有時逐樵漁盡

一作永

日不冠帶崖口

上新月石門破蒼靄色向羣木深

一作沈

光搖一潭碎緬

懷鄭生谷頗憶嚴子瀨勝事猶可追斯人邈千載

左僕射相國冀公東齋幽居

同黎拾遺賦獻

丞相百僚長兩朝居此官成功雲雷際翊聖天地安不

矜南宮貴祇向東山看宅占鳳城勝牕中雲嶺寬午時

松軒夕六月藤齋寒玉珮眉女蘿金印耀牡丹山蟬上

衣桁野鼠緣藥盤有時披道書竟日不着冠幸得趨省

闡常欣在門闌何當復持衡短翮期風搏

過緱山王處士黑石谷隱居

舊居緱山下偏識緱山雲處士久不還見雲如見君別
來逾十秋兵馬日紛紛青谿開戰場黑谷屯行軍遂令
巢由輩遠逐麋鹿羣獨有南澗水潺湲如昔聞

緱山西峰草堂作

結廬對中嶽青翠常在門遂耽水木興盡作漁樵言頃
來闕章句但欲閒心魂日色隱空谷蟬聲喧暮村曩聞

道士語偶見清淨源
隱几閱吹葉乘秋眺
歸根獨遊念
求仲開徑招王孫
片片雨下南澗孤峰
出東原棲遲慮益
澹脫略道彌敷野靄
晴拂枕客帆遙入軒
尚平今何在
此意誰與論佇立雲
去盡蒼蒼月開園

觀楚國寺璋上人寫一切經院南有曲池深竹

璋公不出院羣木閉
深居誓寫一切經欲
向萬卷餘揮毫散林
鵲研墨警池魚音翻
四句偈字譯五天書
鳴鐘竹陰晚汲水桐
花初雨氣潤衣鉢香
煙泛庭除此地日

清淨諸天應未如不知將錫杖早晚躡空虛

尋鞏縣南李處士別業

先生近南郭茅屋臨東川桑葉隱村戶蘆花映釣船
有時著書暇盡日牕中眠且喜閭井近灌田同一泉

聞崔十二

一作三十

侍御灌口夜宿報恩寺

聞君尋野寺便

一作夜

宿支公房溪月冷深殿江雲擁迴

廊然燈松林靜煮茗柴門香勝事不可接相思幽興長
自潘陵尖還少室居止秋夕憑眺

草堂近少室夜靜聞風松月出潘陵尖照見十六峰九
月山葉赤谿雲淡秋容火點伊陽村煙深嵩角鐘尚子
不可見蔣生難再逢勝愜只自知佳趣為誰濃昨詣山
僧期上到天壇東向下望雷雨雲間見回龍夕與人羣
踈轉愛丘壑中心澹水木會興幽魚鳥通稀微了自釋
出處乃不同況本無宦情誓將依道風

南池夜宿思王屋青蘿舊齋

池上臥煩暑不櫛復不巾有時清風來自謂羲皇人天

晴雲歸盡雨洗月色新公事常不閒道書日生塵早年
家王屋五別青蘿春安得還舊山東谿垂釣綸

過王判官西津所居

勝迹不在遠愛君池館幽素懷巖中諾宛得塵外遊何
必到清谿忽來見滄洲潛移岷山石暗引巴江流樹密
晝先夜竹深夏已秋沙鳥上筆牀谿花簞簾鈎夫子賤
簪冕注心向林丘落日公堂垂綸乘釣舟賦詩憶楚
老載酒隨江鷗倏然一傲吏獨在西津頭

因假歸白閣西草堂

雷聲傍太白雨在八九峰東望白閣雲半入紫閣松勝
槩紛滿目衡門趣彌濃幸有數畝田得延二仲蹤早聞
達士語偶與心相通誤徇一微官還山愧塵客釣竿不
復把野碓無人春惆悵飛鳥盡南谿聞夜鐘

題華嚴寺瓌公禪房

寺南幾十峰峰翠晴可掬朝從老僧飯昨日崖口宿錫
杖倚枯松繩牀映深竹東谿草堂路來往行自熟生事

在雲山誰能復羈束

東歸留題太常徐卿草堂

在蜀

不謝古名將吾知徐太常年纔三十餘勇冠西南方頃
曾策匹馬獨出持兩鎗虜騎無數來見君不敢當漢將
小衛霍蜀將凌關張卿月益清澄將星轉光芒復居少
城北遙對岷山陽車馬日盈門賓客常滿堂曲池蔭高
樹小徑穿叢篁江鳥飛入簾山雲來到牀題詩芭蕉滑
對酒棕花香諸將射獵時君在翰墨場聖主賞勳業邊

城最輝光與我情綢繆相知久芬芳忽作萬里別東歸
二峽長

太一石鼈崖口潭舊廬招王學士

驟雨鳴淅瀝颼颼谿谷寒碧潭千餘尺下見蛟龍蟠石
門吞衆流絕岸呀層巒幽趣倏萬變竒觀非一端偶逐
干祿徒十年皆小官抱板尋舊圃弊廬臨迅湍君子滿
清朝小人思挂冠釀酒漉松子引泉通竹竿何必濯滄
浪不能釣嚴灘此地可遺老勸君來考槃

林臥

偶得魚鳥趣復茲水木涼
遠峰帶雨色落日搖川光
白
中西山藥袖裏淮南方
唯愛隱几時獨遊無何鄉

驪姬墓下作

夷吾重耳墓隔河相去十三里

驪姬北原上閉骨已千秋
澮水日東注惡名終不流
獻
公恣耽惑視子如仇讎
此事成蔓草我來逢古丘
蛾眉
山月苦蟬鬢野雲愁
欲弔二公子橫汾無輕舟

東歸晚次潼關懷古

暮春別鄉樹晚景低津樓伯夷在首陽欲往無輕舟遂
登關城望下見洪河流自從巨靈開流血千萬秋行行
潘生賦赫赫曹公謀川上多往事淒涼滿空洲

楚夕旅泊古興

獨鶴唳江月孤帆凌楚雲秋風冷蕭瑟蘆荻花紛紛忽
思湘川老欲訪雲中君騏驎息悲鳴愁見豺虎羣

先主武侯廟

先主與武侯相逢雲雷際感通君臣分義激魚水契遺

廟空蕭然英靈貫千歲

文公講堂

文公不可見空使蜀人傳
講席何時散高臺豈復全
豐碑文字滅冥漠不知年

楊雄草玄臺

吾悲子雲居寂寞人已去
娟娟西江月猶照草玄處
精怪喜無人睢盱藏老樹

司馬相如琴臺

相如琴臺古人去臺亦空臺上寒蕭條至今多悲風荒
臺漢時月色與舊時同

嚴君平卜肆

君平曾賣卜卜肆蕪已久至今杖頭錢時時地上有不
知支機石還在人間否

張儀樓

傳是秦時樓巍巍至今在樓南兩江水千古長不改曾
聞昔時人歲月不相待

昇僊橋

長橋題柱去猶是未達時及乘駟馬車却從橋上歸名
共東流水滔滔無盡期

萬里橋

城都與維揚相去萬里地滄江東流疾帆去如鳥翅楚
客過此橋東看盡垂淚

石犀

江水初蕩瀟蜀人幾為魚向無爾石犀安得有邑居始

知李太守伯禹亦不如

龍女祠

龍女何處來來時乘風雨祠堂青林下宛宛如相語蜀人競祈恩捧酒仍擊鼓

使交河郡郡在火山脚其地苦熱無雨雪獻封大夫

奉使按胡俗平明發輪臺暮投交河城火山亦崔巍九月尚流汗炎風吹沙埃何事陰陽工不遣雨雪來吾君

方憂邊分閫資大才
昨者新破胡安西
兵馬回鐵關控

天涯

一作崖

萬里何遼哉
煙塵不敢飛
白草空皚皚
軍中

日無事醉舞傾金壘
漢代李將軍微功合

一作今

可哈

與鮮于庶子自梓州成都少尹自褒城同行至
利州道中作

剖竹向西蜀
岷峩眇天涯
空深北闕戀
豈憚南路賒
前日登七盤
曠然見三巴
漢水出嶓冢
梁山控褒斜
棧道籠迅湍
行人貫層崖
巖傾劣通馬
石窄難容車
深林怯

魑魅洞穴防龍蛇水種新插秧山田正燒畚夜猿嘯山
雨曙鳥鳴江花過午方始飯經時旋及瓜數公各遊宦
千里皆辭家言笑忘羈旅還如在京華

下外江舟懷終南舊居

杉冷曉猿悲楚客心欲絕孤舟巴山雨萬里陽臺月水
宿已淹時蘆花白如雪顏容老難頰把鏡悲鬢髮早年
好金丹方士傳口訣敝廬終南下久與真侶別道書誰
更開藥竈煙遂滅頃來壓塵網安得有仙骨巖壑歸去

來公卿是何物

安西館中思長安

家在日出處朝來起東風風從帝鄉來不異家信通絕
域地欲盡孤城天遂窮彌年但走馬終日隨飄蓬寂寞
不得意辛勤方在公胡塵淨古塞兵氣屯邊空鄉路眇
天外歸期如夢中遙憑長房術為縮天山東

暮秋山行

疲馬臥長坂夕陽下通津山風吹空長一作林颯颯如有

人蒼旻霽涼雨石路無飛塵千念集暮節萬籟悲蕭晨
鷓鴣昨夜鳴蕙草色已陳況在遠行客自然多苦辛

赴犍為經龍閣道

側徑轉

一作搏

青壁危梁透滄波汗流出鳥道膽碎窺龍

一作魚

渦驟雨暗谿口

一作溪谷

歸雲網松蘿屢聞羌兒笛厭

聽巴童歌江路險復永夢魂愁更多聖朝幸典郡不敢
嫌岷峨

江上山一作山阻風雨

江上風欲來泊舟未能發氣昏雨已過突兀山復出積
浪成高立盤渦為嵌窟雲低岸花掩水漲灘草沒老樹
虵蛻皮崩崖龍退骨平生抱忠信艱險殊可忽

經火山

火山今始見突兀蒲昌東赤焰燒虜雲炎氛蒸塞空不
知陰陽炭何獨然此中我來嚴冬時山下多炎風人馬
盡汗流孰知造化功

題鐵門關樓

鐵關天西涯極目少行客關門一小吏終日對石壁橋
跨千仞危路盤兩崖窄試登西樓望一望頭欲白

早上五盤嶺

平旦驅駟馬曠然出五盤江迴兩崖鬪日隱羣峰攢蒼
翠煙景曙森沈雲樹寒松疎露孤驛花密藏迴灘棧道
谿雨滑畬田原草乾此行為知已不覺蜀道難

峨眉東腳臨江聽猿懷二室舊廬

峨眉蒼煙翠新昨夜秋雨洗分明峰頭樹倒插秋江底久

別二室間圖他五斗米哀猿不可聽北客欲流涕

東歸發犍為至泥谿舟中作

前日解侯印泛舟歸山東平旦發犍為逍遙信回風七月江水大滄波漲秋空復有峨眉僧誦經在舟中夜泊防虎豹朝行逼魚龍一道鳴迅湍兩邊走連峰猿拂岸花落鳥啼簷樹重煙靄吳楚連泝沿湖海通憶昨在西掖復曾入南宮日出朝聖人端笏陪羣公不意今棄置何由豁心胸吾當海上去且學乘桴翁

阻戎瀘間羣盜

戊申歲余罷官東歸屬
斷江路時淹泊戎州作

南州林莽深亡命聚其間殺人無昏曉屍積填江灣
餓虎銜髑髏飢鳥啄心肝腥衰灘草死血流江水殷
夜雨風蕭蕭鬼哭連楚山三江行人絕萬里無征船
唯有白鳥飛空見秋月圓罷官自南蜀假道來茲川
瞻望陽臺雲惆悵不敢前帝鄉北近日瀘口南連蠻
何當遇長房縮地到京關願得隨琴高騎魚向雲煙
明主每憂人節使恒在邊兵革方禦寇爾惡胡不悛
吾竊悲爾徒此生

安得全

郡齋閒坐

負郭無良田，屈身徇微祿。平生好疎曠，何事就羈束。幸
曾趨丹墀，數得侍黃屋。故人盡榮寵，誰念此幽獨。州縣
非宿心，雲山欣滿目。頃來廢章句，終日披案牘。佐郡竟
何成，自悲徒碌碌。

衙郡守還

洪邁曰：監司郡守初上事，既受官吏參謁，至晡時僚屬復伺於客次，胥吏

立庭下，通刺曰衙以聽進退之命。

世事何反覆一身難可料頭白翻折腰還家私自笑所
嗟無產業妻子嫌不調五斗米留人東谿憶垂釣

行軍詩二首

時扈從
在鳳翔

吾竊悲此生四十幸未老一朝逢世亂終日不自保胡
兵奪長安宮殿生野草傷心五陵樹不見二京道我皇
在行軍兵馬日浩浩胡雛尚未滅諸將懇征討昨聞咸
陽敗殺戮淨如埽積屍若丘山流血漲豐鎬干戈礙鄉
國豺虎滿城堡村落皆無人蕭條空桑棗儒生有長策

無處豁懷抱塊然傷時人舉首哭蒼昊

早知逢世亂少小謾讀書悔不學彎弓向東射狂胡偶
從諫官列謬向丹墀趨未能匡吾君虛作一丈夫撫劍
傷世路哀歌泣良圖功業今已遲覽鏡悲白鬚平生抱
忠義不敢私微軀

秋夕聽羅山人彈三峽流泉

皤皤岷山老抱琴鬢蒼然衫袖拂玉徽為彈三峽泉此
曲彈未半高堂如空山石林何魍魎忽在牕戶間繞指

弄鳴咽青絲激潺湲演漾怨楚雲虛徐韻秋煙疑兼陽
臺雨似雜巫山猿幽引鬼神聽淨令耳目便楚客腸欲
斷湘妃淚斑斑誰裁青桐枝絙以朱絲絃能含古人曲
遞與今人傳知音難再逢惜君方老年曲終月已落惆
悵東齋眠

尹相公京兆府中棠樹降甘露詩

相國尹京兆政成人不欺甘露降府庭上天表無私非
無他人家豈少羣木枝被茲甘棠樹美掩召白詩團團

甜如蜜晶晶凝若脂千柯玉光碎萬葉珠顆垂崑崙何
時來慶雲相逐飛魏宮銅盤貯漢帝金掌持王澤布人
和精心動靈祇君臣日同德禎瑞方潛施何術令大臣
感通能及茲忽驚政化理暗與神物期却笑趙張輩徒
稱今古稀為君下天酒麴蘖將用時

劉相公中書江山畫障

相府徵墨妙揮毫天地窮始知丹青筆能奪造化功瀟
湘在簾間廬壑橫座中忽疑鳳凰池暗與江海通粉白

湖上雲黛青天際峰晝日恒見月孤帆如有風巖花不
飛落澗草無春冬擔錫香鑪緇釣魚滄浪翁如何平津
意尚想塵外蹤富貴心獨輕山林興彌濃喧幽趣頗異
出處事不同請君為蒼生未可追赤松

精衛

負劍出北門乘桴適東溟一鳥海上飛云是帝女靈玉
顏溺水死精衛空為名怨積徒有志力微竟不成西山
木石盡巨壑何時平

石上藤

得上字

石上生孤藤弱蔓依石長不逢高枝引未得凌空上何


處堪託身

一作可堪託

為君長萬丈



御定全唐詩卷一百九十八



總校官庶吉士臣張能照

校對官檢討臣王鍾健

騰錄舉人臣王旭暢

欽定四庫全書叢要

集部

御定全唐詩卷

二百九十九
二百

詳校官候補通哥經應臣郭祚織



欽定四庫全書薈要卷一萬七千六百四

集部

御定全唐詩卷一百九十九

岑參

臨河客舍呈狄明府兄留題縣南樓

黎陽城南雪正飛

一作渡口人渡稀

河邊酒

家堪寄宿主人小女能縫衣
故人高臥黎陽縣一別三

年不相見邑中雨雪偏着時
隔河東郡人遙羨鄴都唯

見古時丘漳水還如舊日流
城上望鄉應不見朝來好

是嬾登樓

客舍悲秋有懷兩省舊遊呈幕中諸公

三度為郎便白頭一從出守五經秋
莫言聖主長不用
其那蒼生應未休
人間歲月如流水
客舍秋風今又起
不知心事向誰論
江上蟬鳴空滿耳

白雪歌送武判官歸京

北風捲地白草折
胡天八月即飛雪
忽然一夜春風來
千樹萬樹梨花開
散入珠簾濕羅幕
狐裘不煖錦衾薄

將軍角一作弓不得控都護鐵衣冷難着瀚海闌干百

丈一作千尺冰愁雲黯淡萬里凝中軍置酒飲歸客胡琴琵琶

與羌笛紛紛暮雪下轅門風掣紅旗凍不翻輪臺東
門送君去去時雪滿天山路山迴路轉不見君雪上空
留馬行處

熱海行送崔侍御還京

側聞陰山胡兒語西頭熱海水如煮海上衆鳥不敢飛

中有鯉魚長且肥海中有赤鯉岸傍青草常不歇空中白雪

遙旋滅蒸沙爍石然虜雲沸浪炎波煎漢月陰火潛燒
天地鑪何事偏烘西一隅勢吞月窟侵太白氣連赤坂
通單于送君一醉天山郭正見夕陽海邊落柏臺霜威
寒逼人熱海炎氣為之一君一作薄

輪臺歌奉送封大夫出師西征

輪臺城頭夜吹角輪臺城北旄頭落羽書昨夜過渠黎
單于已在金山西戍樓西望煙塵黑漢兵屯在輪臺北
上將擁旄西出征平明一作小胡吹笛大軍行四邊伐一作戍

鼓雪海湧三軍大呼陰山動虜塞兵氣連雲屯戰場白
骨纏草根劔河風急雪片濶沙河一作場石凍馬蹄脫亞
相勤王甘苦辛誓將報主靜邊塵古來青史誰不見今
見功名勝古人

敷水歌送竇漸入京

羅敷昔時秦氏女千載無人空處所昔時流水至今流
萬事皆逐東流去此水東流無盡期水聲還似舊來時
岸花仍自羞紅臉隄柳猶能學翠眉春去秋來不相待

水中月色長不改羅敷養蠶空耳聞使君五馬今何在
九月霜天水正寒故人西去度征鞍水底鯉魚幸無數
願君別後垂尺素

天山雪歌送蕭治

一作歸京

天山有雪常不開千峰萬嶺雪崔嵬北風夜捲赤亭口
一夜天山雪更厚能兼漢月照銀山復逐胡風過鐵關
交河城邊飛鳥絕輪臺路上馬蹄滑暍靄寒氛萬里凝
闌干陰崖千丈冰將軍狐裘臥不暖都護寶刀凍欲斷

正是天山雪下時送君走馬歸京師雪中何以贈君別
惟有青青松樹枝

火山雲歌送別

火山突兀赤亭口火山五月火雲厚火雲滿山凝未開
飛鳥千里不敢來平明乍逐胡風斷薄暮渾隨塞雨回
繚繞斜吞鐵關樹氛氲半掩交河戍迢迢征路火山東
山上孤雲隨馬去

青門歌送東臺張判官

青門金鎖平旦開城頭日出使車回青門柳枝正堪折
路傍一日幾人別東出青門路不窮驛樓宮樹灞陵東
花撲征衣看似繡一作錦雲隨去馬色疑驄胡姬酒壚日
未午絲繩玉缸酒如乳灞頭落花沒馬蹄昨夜微雨花
成泥黃鸝翅濕飛轉低關東尺書醉嬾題須臾望君不
可見揚鞭飛鞚疾如箭借問使乎何時來莫作東飛伯

勞西飛燕

梁園歌送河南王說判官

君不見梁孝王脩竹園頽牆隱鱗勢仍存嬌娥曼臉成
草蔓羅帷珠簾空竹根大梁一旦人代改秋月春風不
相待池中幾度雁新來洲上千年鶴應在

梁園中有雁池鶴洲

園二月梨花飛却似梁王雪下時當時置酒延枚叟肯
料平臺狐兔走萬事翻覆如浮雲昔人空在今人口單
父古來稱宓生祇今為政有吾兄

家兄時宰單父

輜軒若過梁園道應傍琴臺聞政聲

走馬川行奉送出師西征

一作行

君不見走馬川行雪海邊

一作君不見
走馬滄海邊

平沙莽莽黃入

天輪臺九月風夜吼一川碎石大如斗隨風滿地石亂

走匈奴草黃馬正肥金山西見煙塵飛漢家大將西出

師將軍金甲夜不脫半夜軍行戈相撥風頭如刀面如

割馬毛帶雪汗氣蒸五花連錢旋作冰幕中草檄硯水

凝虜騎聞之應膽懾料知短兵不敢接車師西門佇獻

捷

函谷關歌送劉評事使關西

君不見函谷關崩城毀壁至今在樹根草蔓遮古道空
谷千年長不改寂寞無人空舊山聖朝無外一作事不須
關白馬公孫何處去青牛老人更不還蒼苔白骨空滿
地月與古時長相似野花不省見行人山鳥何曾識關
吏故人方乘使者車吾知郭丹却不如請君時憶關外
客行到關西多致書

胡笳歌送顏真卿使赴河隴

君不聞胡笳聲最悲紫髯綠

一作碧

眼胡人吹吹之一曲

猶未了愁殺樓蘭征戍兒涼秋八月蕭關道北風吹斷
天山草崑崙山南月欲斜胡人向月吹胡笳胡笳怨兮
將送君秦山遙望隴山雲邊城夜夜多愁夢向月胡笳
誰喜聞

秦箏歌送外甥蕭正歸京

汝不聞秦箏聲最苦五色纏弦十三柱怨調慢聲如欲
語一曲未終日移午紅亭水木不知暑忽彈黃鐘和白
紵清風颯來雲不去聞之酒醒淚如雨汝歸秦兮彈秦

聲秦聲悲兮聊送汝

與獨孤漸道別長句兼呈嚴八侍御

輪臺客舍春草滿潁陽歸客腸堪斷窮荒絕漠鳥不飛
萬磧千山夢猶嬾憐君白面一書生讀書千卷未成名
五侯貴門脚不到數畝山田身自耕興來浪跡無遠近
及至辭家憶鄉信無事垂鞭信馬頭西南幾欲窮天盡
秦使三年獨未歸邊頭詞客舊來稀借問君來得幾日
到家不覺換春衣高齋清晝卷帷幕紗帽接羅幃不着

中酒朝眠日色高
彈碁夜半燈花落
冰片高堆金錯盤
滿堂凜凜五月寒
桂林蒲萄新吐蔓
武城刺蜜未可餐
軍中置酒夜搗鼓
錦筵紅燭月未午
花門將軍善胡歌
葉河蕃王能漢語
知爾園林壓渭濱
夫人堂上泣羅帶
魚龍川北盤谿雨
鳥鼠山西洮水雲
臺中嚴公於我厚
別後新詩滿人口
自憐棄置天西頭
因君為問相思否

送費子歸武昌

漢陽歸客悲秋草
旅舍葉飛愁不掃
秋來倍憶武昌魚

夢着只在巴陵道曾隨上將過祈連離家十年恒在邊
劒鋒可惜虛用盡馬蹄無事今已穿知君開館常愛容
擣菹百金每一擲平生有錢將與人江上故園空四壁
吾觀費子毛骨竒廣着大口仍赤髭看君失路尚如此
人生貴賤那得知高秋八月歸南楚東門一壺聊出租
路指鳳皇山北雲衣沾鸚鵡洲邊雨勿歎蹉跎白髮新
應須守道勿羞貧男兒何必戀妻子莫向江村老却人

送韓吳入都覲省便赴舉

槐葉蒼蒼柳葉黃秋高八月天欲霜青門百壺送韓侯
白雲千里連嵩丘北堂倚門望君憶東歸扇枕後秋色
洛陽才子能幾人明年桂枝是君得

送李副使赴磧西官軍

火山六月應更熱赤亭道口行人絕知君慣度祈連城
豈能愁見輪臺月脫鞍一作衣暫入酒家壚送君萬里西
擊胡功名祇向馬上取真是英雄一丈夫

涼州館中與諸判官夜集

彎彎月出挂城頭城頭月出照涼州涼州七里

一作涼州

一作涼州七里

一作

城

十萬家胡人半解彈琵琶琵琶一曲腸堪斷風蕭蕭
今夜漫漫河西幕中多故人故人別來三五春花門樓
前見秋草豈能貧賤相看老一生大笑能幾迴斗酒相
逢須醉倒

酒泉太守席上醉後作

琵琶長笛曲相和羌兒胡雛齊唱歌渾炙犁牛烹野駝

交河美酒歸

一作金

巨羅三更醉後軍中寢無奈秦山歸

夢何

偃師東與韓樽同詣景雲

英華無景雲二字

暉上人即

事

山陰老僧解楞伽
潁陽歸客遠相過
煙深草濕昨夜雨
後秋風渡漕河
空山終日塵事少
平一作出郊遠見行

人小一作人

行渺

尚書磧上黃昏鐘
別駕渡頭一歸鳥

醉題匡城周少府廳壁

婦姑城南風雨秋
婦姑城中人獨愁
愁雲遮却望鄉處

數日不上西南樓故人薄暮公事閒玉壺美酒琥珀殷
潁陽秋草今黃盡醉臥君家猶未還

燉煌太守後庭歌

燉煌太守才且賢郡中無事高枕眠太守到來山出泉
黃沙磧裏人種田燉煌耆舊鬢皓然願留太守更五年
城頭月出星滿天曲房置酒張錦筵美人紅妝色正鮮
側垂高髻插金鈿醉坐藏鈎紅燭前不知鈎在若箇邊
為君手把珊瑚鞭射得半段黃金錢此中樂事亦已偏

喜韓樽相過

三月灞陵春已老故人相逢耐醉倒
甕頭春酒黃花脂
祿米只充沽酒資長安城中足年少
獨共韓侯開口笑
桃花點地紅斑一作如錦
斑有酒留君且莫還與君兄弟日
攜手世上虛一作浮
名好是閒

銀山磧西館

銀山磧口風似箭鐵門關西月如練
雙雙愁淚沾馬毛
颯颯胡沙迸人面丈夫三十未富貴
安得終日守筆硯

感遇

五花驄馬七香車云是平陽帝子家
鳳皇城頭日欲斜
門前高樹鳴春鴉漢家魯元君不聞
今作城西一古墳
昔來唯有秦女獨自吹蕭乘白雲

太白胡僧歌

并序

太白中峰絕頂有胡僧不知幾百歲
蒼長數寸身
不製繒帛衣以草葉恒持楞伽經
雲壁迴絕人跡
罕到嘗東峰有鬪虎弱者將死僧杖而解之
西湫

有毒龍久而為患僧器而貯之商山趙叟前來采
茯苓深入太白偶值此僧訪我而說予恒有獨往
之意聞而悅之乃為歌曰

聞有胡僧在太白蘭若去天三百尺一持楞伽入中峰
世人難見但聞鐘牕邊錫杖解兩虎牀下鉢孟藏一作盛

一龍草衣不鍼復不線兩耳垂肩眉覆面此僧年幾那
得知手種青松今十圍心將流水同清淨身與浮雲無
是非商山老人已曾識願一見之何由得山中有僧人

不知城裏看山空黛色

衛節度赤驃馬歌

君家赤驃畫不得一團旋風桃花色紅纓紫鞍珊瑚鞭
玉鞍錦韉黃金勒請君鞫一作鞍出看君騎尾長牽地如

紅絲自矜諸馬皆不及却憶百金新買時香街紫陌鳳
城內滿城見者誰不愛揚鞭驟急白汗流弄影行驕碧
蹄碎紫髯胡雛金剪刀平明剪出三髮高櫪上看時獨
意氣衆中牽出偏雄豪騎將獵向南山口城南狐兔不

復有草頭一點疾如飛卻使蒼鷹翻向後憶昨看君朝
未央鳴珂擁蓋滿路香始知邊將真富貴可憐人馬相
輝光男兒稱意得如此駿馬長鳴北風起待君東去掃
胡塵為君一日行千里

田使君美人舞如蓮花北鋌歌

此曲本出北同城

美人舞如蓮花旋世人有眼應未見高堂滿地紅氍毹
試舞一曲天下無此曲胡人傳入漢諸客見之驚且歎
慢臉嬌娥纖復穠輕羅金縷花蔥籠回裾轉袖若飛雪

左鉞右鉞生旋風琵琶橫笛和未匝花門山頭黃雲合
忽作出塞入塞聲白草胡沙寒颯颯翻身入破如有神
前見後見回回新始知諸曲不可比采蓮落梅徒聒耳
世人學舞祇是舞_姿恣一作能豈能得如此

裴將軍宅蘆管歌

遼東九月蘆葉斷遼東小兒采蘆管可憐新管清且悲
一曲風飄海頭滿海樹蕭索天雨霜管聲寥亮月蒼蒼
白狼河北堪愁恨玄兔城南皆斷腸遼東將軍長安宅

美人蘆管會佳客弄調啾飀勝洞簫發聲窈窕欺橫笛
夜半高堂客未回祇將蘆管送君杯巧能陌上驚楊柳
復向園中誤落梅諸客愛之聽未足高捲珠簾列紅燭
將軍醉舞不肯休更使美人吹一曲

韋員外家花樹歌

今年花似去年好去年人到今年老始知人老不如花
可惜落花君莫埽君家兄弟不可當列卿御史尚書郎
朝回花底恒會客花撲玉缸春酒香

醉後戲與趙歌兒

秦州歌兒歌調苦，偏能立唱濮陽女。座中醉客不得意，聞之一聲淚如雨。向使逢着漢帝憐，董賢氣咽不能語。

范公叢竹歌

并序

職方郎中兼侍御史范公，乃於陝西使院內種竹，新製叢竹詩以見示。美范公之清致雅操，遂為歌以和之。

世人見竹不解愛，知君種竹府城內。此君託根幸得地，

種來幾時聞已大盛暑脩脩叢色寒閒宵槭槭葉聲乾
能清案牘簾下見宜對琴書牕外看為君成陰將蔽日
迸笋穿堦踏還出守節偏凌御史霜虛心願比郎官筆
君莫愛南山松樹枝竹色四時也不移寒天草木黃落
盡猶自青青君始知

玉門關蓋將軍歌

蓋將軍真丈夫行年三十執金吾身長七尺頗有鬚玉
門關城迴且孤黃沙萬里白草枯南鄰犬戎北接胡將

軍到來備不虞五千甲兵膽力麤軍中無事但歡娛暖
屋繡簾紅地爐織成壁衣花毳毼燈前侍婢瀉玉壺金
鐺亂點野酡酥紫紱金章左右趨問着只是蒼頭奴美
人一雙閑且都未脣翠眉映明臚一作眸清歌一曲世所

無今日喜聞鳳將雛可憐絕勝秦羅敷使君五馬謾踟
躑野草繡窠紫羅襦紅牙縷馬對檇蒲玉盤纖手撒一作

撥作盧衆中誇道不曾輸櫪上昂昂皆駿駒桃花叱撥

價最殊騎將獵向城南隅臘日射殺千年狐我來塞外

按邊儲為君取醉酒剩沽醉爭酒盞相喧呼忽一作憶
咸陽舊酒徒

贈酒泉韓太守

太守有能政遙聞如古人俸錢盡供客家計常清貧酒
泉西望玉關道千山萬磧皆白草辭君走馬歸長安憶
君倏忽令人老

贈西嶽山人李罔

君隱處當一星蓮花峰頭飯黃精仙人掌上演丹經鳥

可到人莫攀隱來十年不下山袖中短書誰為達華陰
道士賣藥還

送張獻心充副使歸河西雜句

將門子弟君獨賢一從受命常在邊未至三十已高位
腰間金印色赭然前日承恩白虎殿歸來見者誰不羨
篋中賜衣十重餘案上軍書十二卷看君謀智若有神
愛君詞句皆清新澄湖萬頃深見底清冰一片光照人
雲中昨夜使星動西門驛樓出相送玉瓶素蟻臘酒香

金鞭白馬紫遊韁花門南燕支北張掖城頭雲正

一作
磧雲

黑送君一去天外憶

送郭又雜言

地上青草出經冬今始歸博陵無近信猶未換春衣憐
汝不忍別送汝上酒樓初行莫早發且宿霸橋頭功名
須及早歲月莫虛擲早年已工詩近日兼注易何時過
東洛早晚度盟津朝歌城邊柳驛地邯鄲道上花撲人
去年四月初我正在河朔曾上君家縣北樓樓上分明

見恒嶽中山明府待君來須計行程及早回到家速覓
長安使待汝書封我自開

送魏升卿

一作叔虹

擢第歸東都因懷魏校書陸渾

喬潭

井上桐葉雨

一作赤

灞亭卷秋風故人適戰勝匹馬歸山

東問君今年三十幾能使香名滿人耳君不見三峰直
上五千仞見君文章亦如此如君兄弟天下稀雄辭健
筆皆若飛將軍金印鞞紫綬御史鐵冠重繡衣喬生作

尉別來久因君為問平安否魏侯校理復何如前日人
來不得書陸渾山下佳可賞蓬閣閒時日應往自料青
雲未有期誰知白髮偏能長壚頭青絲白玉瓶別時相
顧酒如傾搖鞭舉袂忽不見千樹萬樹空蟬鳴

送魏四落第還鄉

東歸不稱意客舍戴勝鳴臘酒飲未盡春衫縫已成長
安柳枝春欲來洛陽梨花在前開魏侯池館今尚在猶
有太師歌舞臺君家盛德豈徒然時人注意在吾賢莫

令別後無佳句祇向壚頭空醉眠

送宇文南金放後歸太原寓居因呈太原郝主簿

歸去不得意北京關路賒却投晉山老愁見汾陽花翻
作灞陵客憐君丞相家夜眠旅舍雨曉辭春城鴉送君
繫馬青門口胡姬壚頭勸君酒為問太原賢主人春來
更有新詩否

西亭子送李司馬

高高亭子郡城西直上千尺與雲齊盤崖緣壁試攀躋
羣山向下飛鳥低使君五馬天半嘶絲繩玉壺為君提
坐來一望無端倪紅花綠柳鶯亂啼千家萬井連迴谿
酒行未醉聞暮雞點筆操紙為君題為君題惜解攜草
萋萋沒馬蹄

漁父

扁舟滄浪叟心與滄浪清不自道鄉里無人知姓名朝
從灘上飯暮向蘆中宿歌竟還復歌手持一竿竹竿頭

釣絲長丈餘鼓棹乘流無定居世人那得識一作深意
此翁取適非取魚

登古鄴城

下馬登鄴城城空復何見東風吹野火暮入飛雲殿一作

入暮飛雲電城隅南對望陵臺漳水東流不復回武帝宮中

人去盡年年春色為誰來

邯鄲客舍歌

客從長安來驅馬邯鄲道傷心叢臺下一帶生蔓草客

舍門臨漳水邊垂楊下繫釣魚船邯鄲女兒夜沽酒對
客挑燈誇數錢酩酊醉時日正午一曲狂歌壚上眠

宿蒲關東店憶杜陵別業

關門鎖歸客一夜夢還家月落河上曉遙聞秦樹鴉長
安二月歸正好杜陵樹邊純是花

感遇

北山有芳杜靡靡花正發未及得采之秋風忽吹殺君
不見拂雲百丈青松柯縱使秋風無奈何四時常作青

黛色可憐杜花不相識

優鉢羅花歌并序

參嘗讀佛經聞有優鉢羅花目所未見天寶庚申
歲參忝大理評事攝監察御史領伊西北庭度支
副使自公多暇乃於府庭內栽樹種藥為山鑿池
婆娑乎其間足以寄傲交河小吏有獻此花者云
得之於天山之南其狀異於衆草勢寵從如冠弁
嶷然上聳生不傍引攢花中折一作駢葉外包異

香騰風秀色媚景因賞而歎曰爾不生於中土僻
在遐裔使牡丹價重芙蓉譽高惜哉夫天地無私
陰陽無偏各遂其生自物厥性豈以偏地而不生
乎豈以無人而不芳乎適此花不遭小吏終委諸
山谷亦何異懷才之士未會明主擯於林藪邪因
感而為歌歌曰

白山南赤山北其間有花人不識綠莖碧葉好顏色葉
六瓣花九房夜掩朝開多異香何不生彼中國兮生西

方移根在庭媚我公堂恥與衆草之為伍何亭亭而獨
芳何不為人之所賞兮深山窮谷委嚴霜吾竊悲陽關
道路長曾不得獻于君王

蜀

一作戎

葵花歌

英華作劉春虛詩
注云附見岑參詩

昨日一花開今日一花開今日花正好昨日花已老始

知人老不如花可惜落花君莫掃

上二句與韋員外家
花樹歌相重他本多

無此二句人生不得長少年莫惜牀頭沽酒錢請君有錢向

酒家君不見蜀葵花

題李士曹廳壁畫度雨雲歌

似出棟梁裏如和風雨飛掾曹有時不敢歸謂言雨過
濕人衣

入蒲關先寄秦中故人

秦山數點似青黛渭上一作水一條如白練京師故人不

可見寄將兩眼看飛燕

御定全唐詩卷一百九十九

欽定四庫全書薈要卷一萬七千六百五

集部

御定全唐詩卷二百

岑參

長門怨

君王嫌妾妬閉妾在一作向長門舞袖垂新寵愁眉結舊

恩綠錢侵履跡紅粉濕啼痕羞被夭桃笑看春獨不言

寄左省杜拾遺

聯步趨丹陛分曹限紫微曉隨天仗入暮惹御香歸白

髮悲花落青雲羨鳥飛聖朝無闕事自覺諫書稀

歲暮磧外寄元撫

西風傳戍鼓南望見前軍沙磧人愁月山城犬吠雲別
家逢逼歲出塞獨離羣髮到陽關白書今遠報君

寄宇文判官

西行殊未已東望何時還終日風與雪連天沙復山二
年領公事兩度過陽關相憶不可見別來頭已斑

宿關西客舍寄東山嚴許二山人時天寶初七

月初三日在內學見有高

一本有
近字

道舉徵

別本
俱作

七月三日在內學見有高道舉徵
宿關西客舍寄東山嚴許二山人

雲送關西雨風傳渭北秋孤燈然客夢寒杵搗鄉愁灘
上思嚴子山中憶許由蒼生今有望飛詔下林丘

丘中春臥寄王子

田中開白室林下閉玄關卷跡人方處無心雲自閒竹
深喧暮鳥花缺露春山勝事那能說王孫去未還

江行夜宿龍吼灘臨眺思我眷隱者兼寄幕中

諸公

官舍臨江口灘聲人

一作已

慣聞水煙晴吐月山火夜燒

雲且欲尋方士無心戀使君異鄉何可住況復久離羣

漢川山行呈成少尹

西蜀方攜手南宮憶比肩平生猶不淺羈旅轉相憐
山店雲迎客江村犬吠船秋來取一醉須待月光眠

奉和杜相公初發京城作

按節辭黃閣登壇戀赤墀銜恩期報主授律遠行師野

鵲迎金印郊雲拂畫旗叨陪幕中客敢和出車詩

敬酬李判官使院即事見呈

公府日無事吾徒只是閒草根侵柱礎苔色上門關飲
硯時見鳥卷簾晴對山新詩吟未足昨夜夢東還

虢州酬辛侍御見贈

門柳葉已大春花今復闌鬢毛方二色愁緒日千端夫
子屢新命鄙夫仍舊官相思難見面時展尺書看

酬崔十三侍御登玉壘山思故園見寄

玉壘天晴望諸峰盡覺低故園江樹北斜日嶺雲西曠
野看人小長空共鳥齊高山徒仰止不得日攀躋

南樓送衛憑

得歸字

近縣多過

一作來

客似君誠亦稀南樓取涼好便送故人

歸鳥向望中滅雨侵晴處飛應須乘月去且為解征衣
送王伯倫應制授正字歸

當年最稱意數子不如君戰勝時偏許名高人共

一作總

聞半天城北雨斜日灞西雲科斗皆成字無令錯古文

送宇文舍人出宰元城

得陽字

雙鳧出未央千里過河陽
馬帶新行色衣聞舊御香
懸花迎墨綬關柳拂銅章
別後能為政相思淇水長

崔駙馬山池重送宇文明府

得苗字

竹裏過紅橋花間藉綠苗
池涼醒別酒山翠拂行鑣
鳳去妝樓閉鳧飛葉縣遙
不逢秦女在何處聽吹簫

送李郎尉武康

潘郎腰綬新雪上縣花
春山色低官舍湖光映
吏人不

須嫌邑小莫即恥家貧更作東征賦知君有老親

磧西頭送李判官入京

一身從遠使萬里向安西漢月垂鄉淚胡沙費一作馬

蹄尋河愁地盡過磧覺天低送子軍中飲家書醉裏題

陪使君早春西亭送王贊府赴選

得歸字

西亭繫五馬為送故人歸客舍草新出關門花欲飛到
來逢歲酒却去換春衣吏部應相待如君才調稀

送劉郎將歸河東

同用邊字

借問虎賁將從軍，凡幾年殺人寶刀缺。走馬貂裘穿山

雨，醒別酒，關雲迎渡船。謝君賢主將，豈忘輪臺邊。

參曾北庭

事趙中丞
故有下句

澆水東店送唐子歸嵩陽

野店臨官路，重城壓御隄。山開灞水北，雨過杜陵西。歸
夢秋能作，鄉書醉嬾題。橋回忽不見，征馬尚聞嘶。

西亭送蔣侍御還京

得來字

忽聞驄馬至，喜見故人來。欲語多時別，先愁計日回。山

河宜晚眺雲霧待

一作賴

君開為報烏臺客須憐白髮催

水亭送劉顥使還歸節度

得低字

無計留君住應須絆馬蹄紅亭莫惜醉白日眼看低解

帶憐高柳移牀愛小谿此來相見少正

一作政

事各東西

送楊錄事充潼關判官

得江字一作充使

夫子方寸裏秋天澄霽江關西望第一郡內政無雙狹

室下珠箔連宵傾玉缸平明

一作使乎

猶未醉斜月隱書

一作

高一牕
作吟

送裴判官自賊中再歸河陽幕府

東郊未解圍，忠義似君稀。
誤落胡塵裏，能持漢節歸。
卷簾山對酒，上馬雪沾衣。
却向嫖姚幕，翩翩去若飛。

送陝縣王主簿赴襄陽成親

六月襄山道，三星漢水邊。
求凰應不遠，去馬賸須鞭。
野店愁中雨，江城夢裏蟬。
襄陽多故事，為我訪先賢。

送李卿賦得孤島石

得離字

一片他山石，巉巉映小池。
綠窠攢剝蘚，尖碩一作頂坐鸕鷀。

鷓水底看常倒花邊勢欲歆君心能不轉御月豈相離

送王錄事卻歸華陰

王錄事自華陰尉授虢州錄事參軍旬日卻復舊官

相送欲狂歌其如此別何攀轅人共惜解印日無多仙
掌雲重見關門路再過雙魚莫不寄縣外是黃河

送二十二兄北遊尋羅中

斗柄欲東指吾兄方北遊無媒謁明主失計干諸侯夜
雪入穿履朝霜凝敝裘遙知客舍飲醉裏聞春鳩

送鄭堪歸東京汜水別業

得問字

客舍見春草忽聞思舊山
看君灞陵去匹馬成臯還
對酒風與雪向家河復關
因悲宦遊子終歲無時間

送崔全被放歸都覲省

夫子不自衒世人知者稀
來傾阮氏酒去著老萊衣
渭北草新出關東花欲飛
楚王猶自惑宗玉且將歸

送孟孺卿落第歸濟陽

獻賦頭欲白還家衣已穿
羞過灞陵樹歸種汶陽田
客舍少鄉信牀頭無酒錢
聖朝徒側席濟上獨遺賢

送裴校書從大夫淄川覲省

尚書未

東應作

出守愛子向青州一路通關樹孤城近海

樓懷中江橘熟倚處戟門秋更奉輕軒去知君無客愁

送楊千牛

一作秋

趁歲赴汝南郡覲省便成婚

得寒

字

問吉轉征鞍安仁道姓潘歸期明主賜別酒故人歡珠箔障鑪煖狐裘耐臘寒汝南遙倚望蚤去及春盤

送胡象落第歸王屋別業

看君尚少年不第莫悽然可即疲獻賦山村歸種田野
花迎短褐河柳拂長鞭置酒聊相送青門一醉眠

送顏韶

得飛字

遷客猶未老聖朝今復歸一從襄陽住幾度梨花飛世
事了可見憐君人亦稀相逢貪醉臥未得作春衣

送杜佐下第歸陸渾別業

正月今

一作初

欲半陸渾花未開出關見青草春色正東
來夫子且歸去明時方愛才還須及秋賦莫即隱蒿萊

送張郎中赴隴右覲省卿公

時張卿公亦充節度留後

中郎鳳一毛世上獨賢豪弱冠已銀印出身唯寶刀還
家卿月迴度隴將星高幕下多相識邊書醉嬾操

送楚丘麴少府赴官

青袍美少年黃綬一神仙微子城東面梁王苑北邊桃
花色似馬榆莢小於錢單父聞相近家書早為傳

送蜀郡李椽

一作接非

飲酒俱未醉一言聊贈君功曹善為政明主還應聞夜

宿劔門月朝行巴水雲江城菊花發滿道香氣氤

送鄭少府赴滏陽

子真河朔尉邑里帶清漳
春草迎袍色晴花拂綬香
青山入官舍黃鳥度宮牆
若到銅臺上應憐魏寢荒

還高冠潭口留別舍弟

昨日山有信祇今耕種時
遙傳杜陵叟怪我還山遲
獨向潭上酌無人林下基
東谿憶汝處閒臥對鸕鷀

醴泉東谿送程皓元鏡微入蜀

得寒字

蜀郡路漫漫梁州過七盤二人來信宿一縣醉衣冠谿
逼春衫冷林交宴席寒西南如噴酒遙向雨中看

夏初醴泉南樓送太康顏少府

何地堪相餞南樓出萬家可憐高處送遠見故人車野
果新成子庭槐欲作花愛君兄弟好書向潁中誇

送嚴詵擢第歸蜀

巴江秋月新閣道發征輪戰勝真才子名高動世人工
文能似舅擢第去榮親十月天官待應須早赴秦

送張直公歸南鄭拜省

夫子思何速世人皆歎竒萬言不加點七步猶嫌遲對
酒落日後還家飛雪時北堂應久待鄉夢促征期

送周子落第遊荆南

足下復不第家貧尋故人且傾湘南酒羞對關西塵山
店橘花發江城楓葉新若從巫峽過應見楚王神

送薛彥偉擢第東歸

時輩似君稀青春戰勝歸名登却詵第身著老萊衣稱

意人皆羨還家馬若飛一枝誰不折棣萼獨相輝

送楊瑗

一作張子

尉南海

不擇南州尉高堂有老親樓臺重蜃氣邑里雜鮫人海
暗三山雨花

一作江

明五嶺春此鄉多寶玉慎莫厭清貧

鳳翔府行軍送程使君赴成州

程侯新出守好日發行軍拜命時人羨能官聖主開江
樓黑塞雨山郭冷秋雲竹馬諸童子朝朝待使君

送張昇卿宰新淦

官柳葉尚小長安春未濃送君潯陽宰把酒青門鐘水
驛楚雲冷山城江樹重遙知南湖上祇對香爐峰

送陳子歸陸渾別業

雖不舊相識知君丞相家故園伊川上夜夢方山花種
藥畏春過出關愁路賒青門酒壚別日暮東城鴉

稠桑驛喜逢嚴河南中丞便別

得時字

駟馬映花枝人人夾路窺離心且莫問春草自應知不

謂青雲客猶思紫禁時

參忝西掖
曾聯接

別君能幾日看取鬢

成絲

送蒲秀才擢第歸蜀

去馬疾如飛看君戰勝歸新登却說第更著老萊衣

上四

句與送薛漢水行人少巴山客舍稀向南風候暖臘月

見春輝

送郭司馬赴伊吾郡請示李明府

郭子是趙節度同好

安西美少年脫劍卸弓弦不倚將軍勢皆稱司馬賢秋

山城北面古治郡東邊江池

一作

上舟中月遙思李郭仙

送滕亢擢第歸蘇州拜親

送爾姑蘇客滄波秋正涼
橘懷三箇去桂折一枝將

一作

香湖上山當舍天邊水是鄉
江村人事少時作捕魚郎

送任郎中出守明州

罷起郎官草初封刺史符
城邊樓枕海郭裏樹侵湖
郡政傍連楚朝恩獨借吳
觀濤秋正好莫不上姑蘇

臨洮客舍留別祁四

無事向邊外至今仍不歸
三年絕鄉信六月未春衣
客

舍洮水聒孤城胡雁飛心知別君後開口笑應稀

送弘文李校書往漢南拜親

未識已先聞清辭果出羣如逢禰處士似見鮑參軍
夢暗巴山雨家連漢水雲慈親思愛子幾度泣霑裙

送李別將攝伊吾令充使赴武威便寄崔員外

詞賦滿書囊胡為在戰場行間脫寶劍邑里挂銅章
馬疾飛一作行千里鳧飛向五涼遙知竹林下星使對星郎

送四鎮薛侍御東歸

相送淚沾衣天涯獨未歸將軍初得罪門客復何依夢
去湖山濶書停隴雁稀園林幸接近一為到柴扉

送張都尉東歸

白羽綠弓弦年年只在邊還家劔鋒盡出塞馬蹄穿逐
虜西踰海平胡北到天封侯應不遠燕頷豈徒然

送樊侍御使丹陽便覲

臥病窮巷晚忽驚驄馬來知君京口去借問幾時回驛
舫江風引鄉書海雁催慈親應倍喜愛子在霜臺

送張卿郎君赴碣石尉

卿家送愛子愁見灞頭春
草羨青袍色花隨黃綬新
縣西函谷路城北大陽津
日暮征鞍去東郊一片塵

送顏少府投鄭陳州

一尉便垂白數年唯草玄
出關策匹馬逆旅聞秋蟬
愛客多酒債罷官無俸錢
知君羈思少所適主人賢

趙少尹南亭送鄭侍御歸東臺

得長字

紅江一作亭酒甕香白面繡衣郎
砌冷蟲喧座簾疎雨一作

月到牀鐘催離興急絃逐一作緩醉歌長關樹應先落隨

君滿鬢

一作霜

祁四再赴江南別詩

萬里來又去三湘東復西別多人換鬢行遠馬穿蹄山
驛秋雲冷江帆暮雨低憐君不解說相憶在書題

送許員外江外置常平倉

詔置海陵倉朝推畫省郎還家錦服貴出使繡衣香水
驛風催舫江樓月透牀仍懷陸氏橘歸獻老親嘗

送秘省虞校書赴虞鄉丞

花綬傍腰新關東縣欲春殘書厭科斗舊閣別麒麟虞
坂臨官舍條山映吏人看君有知己坦腹向平津

送江陵泉少府赴任便呈衛荊州

神仙吏姓梅人吏待君來渭北草新出江南花已開城
邊宋玉宅峽口楚王臺不畏無知己荊州甚愛才

奉送李太保兼御史大夫充渭北節度使

即太尉光

弼弟

詔出未央宮，登壇近總戎。
上公周太保，副相漢司空。

抱一作挽關西月，旗翻渭北風。
弟兄皆許國，天地荷成功。

送江陵黎少府

悔繫腰間綬，翻為膝下愁。
那堪漢水遠，更值楚山秋。
新橘香官舍，征帆拂縣樓。
王城一作程不敢住，豈是愛荊州。

虢州送天平何丞入京市馬

關樹晚蒼蒼，長安近夕陽。
回風醒別酒，細雨濕行裝。
習戰邊塵黑，防秋塞草黃。
知君市駿馬，不是學燕王。

送揚州王司馬

君家舊淮水水上到揚州
海樹青官舍江雲黑郡樓
東南隨去鳥人吏待行歸
一作舟為報吾兄道如今已白頭

陝州月城樓送辛判官入秦

送客飛鳥外城頭樓最高
樽前遇風雨牕裏動波濤
謁帝向金殿隨身唯寶刀
相思灞陵月祇有夢偏勞

送王七錄事赴虢州

早歲即相知嗟君最後時
青雲仍未達白髮欲成絲
小

店關門樹長河華岳祠弘農人吏待莫使馬行遲

闕鄉送上官秀才歸關西別業

風塵奈汝

一作爾

何終日獨波波親老無官養家貧在外

多醉眠輕白髮春夢渡黃河相去關城

一作山

近何時更

肯過

送羽林長孫將軍赴歙州

剖竹向江濱能名計日聞隼旗新刺史虎劔舊將軍驛
舫宿湖月州城浸海雲青門酒樓上欲別醉醺醺

送崔主簿赴夏陽

常愛夏陽縣往年曾再過
縣中饒白鳥郭外是黃河
地近行程少家貧酒債多
知君新稱意好得奈春何

送梁判官歸女兒舊廬

女兒知君憶春雲相逐歸
草堂開藥裏苔壁取荷衣
老竹移時小新花舊處飛
可憐真傲吏塵事到山稀

送懷州吳別駕

灞上柳枝黃壚頭酒正香
春流飲去馬暮雨濕行裝
驛

路通函谷州城接太行
覃懷人總喜別駕得王祥

送人歸江寧

楚客憶鄉信向家
湖水長住愁春草
綠去喜桂枝香
海月迎歸楚江雲
引到鄉吾兄應借問
為報鬢毛霜

送襄州任別駕

別乘向襄州
蕭條楚地秋
江聲官舍裏
山色郡城頭
莫羨黃公蓋
須乘彥伯舟
高陽諸醉客
唯見古時丘

送李司諫歸京

得長字

別酒為誰香春官駁正郎醉經秦樹遠夢怯漢川長雨
過風頭黑雲開日脚黃知君解起草早去入文昌

送絳州李司馬秩滿歸京因呈李兵部

久客厭江月罷官思早歸眼看春光一作色老羞見梨花

飛劍北山居小巴南音信稀因君報兵部愁淚日沾衣

送崔員外入秦一作秦因訪故園

欲謁明光殿先一作應趨建禮門仙郎去得意亞相正承

恩竹裏巴山道花間漢水源憑將兩行淚為訪邵平園

送柳錄事赴梁州

英掾柳家郎，離亭酒甕香。
折腰思漢北，隨傳過巴陽。
江樹連官舍，山雲到臥牀。
知君歸夢積，去去劔川長。

送韋侍御先歸京

得寬字

聞欲朝龍闕，應須拂豸冠。
風霜隨馬去，炎暑為君寒。
客淚題書落，鄉愁對酒寬。
先憑報親友，後月到長安。

送裴侍御赴

一作趨

歲入京

得陽字

羨他驄馬郎，元日謁明光。
立處聞天語，朝回惹御香。
臺

寒柏樹綠江暖柳條黃惜別津亭暮揮戈憶魯陽

送顏評事入京

顏子人歎屈宦遊今未遲佇聞明主用豈負青雲姿江
柳秋吐葉山花寒滿枝知君客一作窮愁處月滿一作出
一作落

巴川時

送趙侍御歸上都

驄馬五花毛青雲歸處高霜隨驅夏暑風逐振江濤執
簡皆推直勤王豈告勞帝城誰不戀回望動離騷

送楊子

斗酒渭城邊，壚頭耐醉眠。
梨花千樹雪，楊柳

一作

葉萬條

煙惜別，添壺酒。臨歧贈馬鞭，看君潁上去。新月到家園。

送人赴安西

上馬帶吳鉤，翩翩度隴頭。
小來思報國，不是愛封侯。
萬里鄉為夢，三邊月作愁。
早須清黠虜，無事莫經秋。

發臨洮將赴北庭留別

得飛字

聞說輪臺路，連年

一作

見雪飛。春風曾

一作

不到漢使

亦應一作來稀白草通疎勒青山過武威勤王敢道遠一作

不敢道私向夢中歸

臨洮泛舟趙仙舟自北庭罷使還京

白髮輪臺使邊功竟不成雲沙萬里地孤負一書生池
上風迴舫橋西雨過城醉眠鄉夢罷東望羨歸程

春日醴泉杜明府承恩五品宴席上賦詩

鳧舄舊稱仙鴻私降自天青袍移草色朱綬奪花然邑
裏雷仍震臺中星欲懸吾兄此棲棘因得賀初筵

早春陪崔中丞同泛浣花谿宴

旌節臨谿口寒郊陡覺暄
紅亭移酒席畫舸逗江村
雲帶歌聲颺風飄舞袖翻
花間催秉燭川上欲黃昏

喜華陰王少府使到南池宴集

有客至鈴下自言身姓梅
仙人掌裏使黃帝鼎邊來
竹影拂棋局荷香隨酒杯
池前堪醉臥待月未須回

行軍雪後月夜宴王卿家

子夜雪華餘卿家月影初
酒香薰枕席爐氣暖軒除
晚

歲宦情薄行軍歡宴疎相逢剩取醉身外盡空虛

梁州陪趙行軍龍岡寺北庭泛舟宴王侍御

得長

字

誰宴霜臺使行軍粉署郎唱歌江鳥沒吹笛岸花香酒
影搖新月灘聲聒夕陽江鐘聞已暮歸櫂綠川長

奉陪封大夫宴得征字時封公兼鴻臚卿

西邊虜盡平何處更專征幕下人無事軍中政已成座
參殊俗語樂雜異方聲醉裏東樓月偏能照列卿

陪封大夫宴瀚海亭納涼

得時字

細管雜青絲，千杯倒接羅。
軍中乘興出，海上納涼時。
日沒鳥飛急，山高雲過遲。
吾從大夫後，歸路擁旌旗。

虢州西亭陪端公宴集

紅亭出鳥外，駿馬繫雲端。
萬嶺牕前睥，千家肘底看。
開瓶酒色嫩，踏地葉聲乾。
為逼霜臺使，重裘也覺寒。

陪使君早春東郊遊眺

得春字

太守擁朱輪，東郊物候新。
鶯聲隨坐嘯，柳色換行春。
谷

口雲迎馬谿邊水照人郡中叨佐理何幸接芳塵

雪後與羣公過慈

一作報

思寺

乘興忽相招僧房暮與朝雪融雙樹濕沙閣

一作閣

一燈

燒竹外山低塔藤間院隔

一作接

橋歸家如

一作好

欲嬾俗

慮向來銷

與鄆縣羣官泛漾陂

萬頃浸天色千尋窮地根舟移城入樹岸濶水浮村間

鷺驚蕭管潛蚪傍酒樽暝來呼小吏列火儼歸軒

與鄠縣源少府泛漢陂

得人字

載酒入天色水涼難醉人清搖縣郭動碧洗雲山新吹
笛驚白鷺垂竿跳紫鱗憐君公事後陂上日娛賓

終南東谿中作

谿水碧於草潺潺花底流沙平堪濯足石淺不勝舟洗
藥朝與暮釣魚春復秋興來從所適還欲向滄洲

與鮮于庶子泛漢江

急管更須吹杯行

一作金杯

莫遣遲酒光紅琥珀江色碧琉

瑤日影浮歸櫂，蘆花罨釣絲。山公醉不醉，問取葛疆知。
晦日陪侍御泛北池

春池滿復寬，晦節耐邀歡。月帶蝦蟆冷，霜隨獬豸寒。水
雲低錦席，岸柳拂金盤。日暮舟中散，都人夾道看。

登涼州尹臺寺

胡地三月半，梨花今始開。因從老僧飯，更上夫人臺。清
唱雲不去，彈弦風颯來。應須一倒載，還似山公回。

登總持閣

高閣逼諸天，登臨近日邊。
晴開萬井樹，愁看五陵煙。
檻外低秦嶺，牕中小渭川。
蚤知清淨理，常願奉金仙。

奉陪封大夫九日登高

九日黃花酒，登高會昔聞。
霜威逐亞相，殺氣傍中軍。
橫笛驚征雁，嬌歌落塞雲。
邊頭幸無事，醉舞荷吾君。

郡齋平望江山

水路東連楚，人煙北接巴。
山光圍一郡，江月照千家。
庭樹純栽橘，園畦半種茶。
夢魂知憶處，無夜不京華。

宿岐州北郭嚴給事別業

郭外山色暝主人林館秋
疎鐘入臥內片月到牀頭
遙夜惜已半清言殊未休
君雖在青瑣心不忘滄洲

暮秋會嚴京北後廳竹齋

京北小齋寬公庭半藥闌
甌香茶色嫩牕冷竹聲乾
盛德中朝貴清風畫省寒
能將吏部鏡照取寸心看

省中即事

華省謬為郎蹉跎鬢已蒼
到來恒襍被隨例且含香
竹

影遮牕暗花陰拂簟涼
君王新賜筆草奏向明光

尋陽七郎中宅即事

萬事信蒼蒼
機心久已忘
無端來出守
不是厭為郎
雨滴芭蕉赤
霜催橘子黃
逢君開口笑
何處有他鄉

攜琴酒尋閣
防崇濟寺所居僧院

得濃字

相訪但尋鐘
門寒古殿松
彈琴醒暮酒
卷幔引諸峰
事愜林中語
人幽物外蹤
吾廬幸接近
茲地興偏慵

春尋河陽陶處士別業

風煖日暎暎黃鸝飛近村花明潘子縣柳暗陶公門
藥
椀搖山影魚竿帶水痕南橋車馬客何事苦喧喧

晚過盤石寺禮鄭和尚

暫詣高僧話來尋野寺孤岸花藏水碓谿水一作竹映風

爐頂上巢新鵲

一作鶴

衣中帶

一作得

舊珠談禪未得去輟

擢且踟躕

尋少室張山人聞與偃師周明府同入都

中峰鍊金客昨日遊人間葉縣鳧共去葛陂龍暫還春

雲湊深水秋雨懸空山寂寂清谿上空餘丹竈閒

虢州臥疾喜劉判官相過水亭

臥疾嘗晏起朝來頭未梳見君勝服藥清話病能除
低柳共繫馬小池堪釣魚觀棋不覺暝月出水亭初

武威

一作城

春暮

一作寒

聞宇文判官西使還已到

晉昌

岸

一作片

雨過城頭黃鸝上戍樓塞花飄客淚邊柳挂鄉

愁白髮悲明鏡青春換敝裘君從萬里使聞已到瓜州

虢州南池候嚴中丞不至

池上日相待知君殊未回徒教柳葉長漫使梨花開駟

馬去不見雙魚空往來思想

一作相思

不解說孤負舟中杯

春興思南山舊廬招柳建正字

終歲不得意春風今復來自憐蓬鬢改羞見梨花開西掖誠可戀南山思早回園廬幸接近相與歸蒿萊

郡齋南池招楊驥

郡僻人事少雲山常

一作遮

眼前偶從池上醉便向舟中

眠與子居最近周官情又偏
閒時耐相訪正有牀頭錢

高冠

一作官

谷口招

一作贈

鄭鄠

谷口來相訪空齋不見君
澗花然暮雨潭樹煖春雲
門徑稀人迹簷峰下鹿羣
衣裳與枕席山靄碧氛氲

題新鄉王釜廳壁

憐君守一尉家計復清貧
祿米嘗不足俸錢供與人
城頭蘇門樹陌上黎陽塵
不是舊相識聲同心自親

題山寺僧房

隄影搖羣木牆陰載一峰野爐風自熱山碓水能舂勤
學翻知誤為官好欲慵高僧暝不見月出但聞鐘

漢上題韋氏莊

結茅聞楚客卜築漢江邊日落數歸鳥夜深聞扣舷水
痕侵岸柳山翠借厨煙調笑提筐婦春來蠶幾眠

題永樂韋少府廳壁

大河南郭外終日氣昏昏白鳥下公府青山當縣門故
人是邑尉過客駐征軒不憚煙波濶思君一笑言

題金城臨河驛樓

古戍依重險，高樓見五涼。
山根盤驛道，河水浸城牆。
庭樹巢鸚鵡，園花隱麝香。
忽如江浦上，憶作捕魚郎。

初授官題高冠草堂

三十始一命，宦情多欲闌。
自憐無舊業，不敢恥微官。
澗水吞樵路，山花醉藥欄。
稭綠五斗米，孤負一漁竿。

題虢州西樓

錯料一生事，蹉跎今白頭。
縱橫皆失計，妻子也堪羞。
羞明

主雖然棄丹心亦未休
愁來無去處祇上郡西樓
夜過盤石隔河望永樂
寄閨中效齊梁體

盈盈一水隔寂寂二更初
波上思羅襪魚邊憶素書
月如眉已畫雲似鬢新梳
春物知人意桃花笑索居

河西春暮憶秦中

渭北春已老河西人未歸
邊城細草出客館梨花飛
別後鄉夢數昨來家信稀
涼州三月半猶未脫寒衣

過酒泉憶杜陵別業

昨夜宿祈連今朝過酒泉
黃沙西際海白草北連天
愁裏難消日歸期尚隔年
陽關萬里夢知處杜陵田

早發焉耆懷終南別業

曉笛別鄉淚秋冰鳴馬蹄
一身虜雲外萬里胡天西
終日見征戰連年聞鼓輦
故山在何處昨日夢清谿

宿鐵關西館

馬汗踏成泥朝馳幾萬蹄
雪中行地角火處宿天倪
塞迴心常怯鄉遙夢亦迷
那知故園月也到鐵關西

首秋輪臺

異域陰山外孤城雪海邊
秋來唯有雁夏盡不聞蟬
雨拂氊牆濕風搖毳幕羶
輪臺萬里地無事歷三年

北庭作

雁塞通鹽澤龍填接醋溝
孤城天北畔絕域海西頭
秋雪春仍下朝風夜不休
可知年四十猶自未封侯

輪臺即事

輪臺風物異地是古單于
三月無青草千家盡白榆
蕃

書文字別胡俗語音殊愁見流沙北天西海一隅

還東山洛上作

春流急不淺歸棹去何遲愁客葉舟裏夕陽花水時雲
晴開蝶竦擢發起鷓鴣莫道東山遠衡門在夢思

楊固店

客舍梨葉赤鄰家聞擣衣夜來嘗有夢墜淚緣思歸洛
水行欲盡緱山看漸微長安祇千里何事信音稀

巴南舟中思陸渾別業

瀘水南州

舟一作

遠巴山北客稀嶺雲撩亂起谿鷺等閒

飛鏡裏愁衰鬢舟中換旅衣夢魂知憶處無夜不先歸

晚發五渡

客厭巴南地鄉鄰劔北天江村片雨外野寺夕陽邊茅

葉藏山徑蘆花雜

一作間

渚田舟行未可住乘月且須牽

巴南舟中夜市

一作夜書事

渡口欲黃昏歸人爭渡喧近鐘清夜寺遠火點

一作照

江

村見雁思鄉信聞猿積淚痕孤舟萬里外

一作夜

秋月不

堪論

江上春歎

臘月江上煖南橋
新柳枝春風觸處到
憶得故園時終日
不如意出門何所之
從人覓顏色自笑弱男兒

初至犍為作

山色軒檻內灘聲枕席間
草生公府靜花落訟庭閒
雲雨連三峽風塵接百蠻
到來能幾日不覺鬢毛斑

使院中新栽柏樹子呈李十五栖筠

愛爾青青色移根此地來不曾臺上種留向磧中栽
脆葉欺門柳狂花笑院梅不須愁歲晚霜露豈能摧

詠郡齋壁畫片雲

得歸字

雲片何人畫塵侵粉色微未曾行雨去不見逐風歸
只怪偏凝壁回看欲惹衣丹青忽借便移向帝鄉飛

臨洮龍興寺玄上人院同詠青木香叢

移根自遠方種得在僧房六月花新吐三春葉已長
抽莖高錫杖引影到繩牀只為能除疾傾心向藥王

成王挽歌

幽山悲舊桂長坂愴餘蘭地底孤燈冷泉中一鏡寒銘
旌門客送騎吹路人看漫作琉璃椀淮王誤合丹

苗侍中挽歌二首

攝政朝章重持衡國相尊筆端通造化掌內運乾坤青
史遺芳滿黃樞故事存空悲渭橋路誰對漢皇言

天子悲元老都人惜上公優賢几杖在會葬市朝空丹
旒飛斜日清笳怨暮風平生門下客繼美廟堂中

故僕射裴公挽歌三首

盛德資邦傑嘉謨作世程門瞻駟馬貴時仰八龍名罷
市秦人送還鄉絳老迎莫埋丞相印留着付玄成

五一作

府瞻高位三台喪大賢禮容還故絳寵贈冠一作

過新田氣歇汾陰鼎魂飛京兆阡先時劒已沒隴樹久
蒼然

富貴徒言久鄉閭歿後歸錦衣都未着丹旒忽先飛哀
挽辭秦塞悲笳出帝畿遙知九原上漸覺一作弔人稀

河西太守杜公挽歌四首

蒙叟悲藏壑，殷宗惜濟川。
長安非舊日，京兆是新阡。
黃霸官猶屈，蒼生望已愆。
唯餘卿月在，留向杜陵懸。

鼓角

一作吹

城中在墳塋，郭外新雨隨。
思太守雲從送，夫

人蒿里埋雙劍，松門閉萬春。
回瞻北堂上，金印已生塵。
憶昨明光殿，新承天子恩。
剖符移北地，授鉞領西門。
塞草迎軍幕，邊雲拂使軒。
至今聞隴外，戎虜當亡魂。

漫漫澄波濶，沈沈大廈深。
秉心常匪席

一作石

行義每揮

金汲引窺蘭室招攜入翰林多君有令子猶注世人心
故河南尹岐國公贈工部尚書蘇公挽歌二首

河尹恩榮舊尚書寵贈新一門傳畫戟幾世駕朱輪夜
色何時曉泉臺不復春唯餘朝服在金印已生塵
白日扃泉戶青春掩夜臺舊堂階草長空院砌花開山
晚銘旌去郊寒騎吹回三川難可見應惜庾公才

韓員外夫人清河縣君崔氏挽歌二首

令德當時重高門舉世推從夫榮已絕封邑寵難追陌

上人皆惜花間鳥亦悲仙郎看隴月猶憶畫眉時
遠聞傷別劍忽復歎藏舟澄冷泉中夜衣寒地下秋青
松弔客淚丹旄路人愁徒有清河在空悲逝水流

西河郡太原守張夫人挽歌

鵲印慶仍傳魚軒寵莫先從夫元凱貴訓子孟軻賢龍
是雙歸日鷺非獨舞年哀容今共盡悽愴杜陵田

南溪別業

結宇依青嶂開軒對翠疇樹交花雨色溪合水重流竹


徑春來埽蘭樽夜不收逍遙自得意鼓腹醉中游

御定全唐詩卷二百

謹案卷一百九十九第一頁後七行忽然一夜春
風來按嘉州集然作如

第三頁前二行沙場石凍馬蹄脫刊本場訛口據
嘉州集改

卷二百第十頁後八行送張昇卿宰新淦刊本淦
訛淦據原集改



總校官庶吉士

臣

張能照

校對官檢討

臣

王鍾健

謄錄舉人

臣

王旭暢

欽定四庫全書薈要

集部

欽定全唐詩卷二百一
四一至

詳校官候補通政司經歷部祚職



欽定四庫全書薈要卷一萬七千六百六

集部

御定全唐詩卷二百一

岑參

奉和中書舍人賈至早朝大明宮

鐘鳴紫陌曙光寒
鶯囀皇州春色

鐘鳴紫陌曙光寒鶯囀皇州春色

一作關金闕

一作曉

鐘開萬戶玉階仙仗擁千官花迎

一作

劍珮星初落柳

拂旌旗露未乾獨有鳳皇池上客陽春一曲和皆難

和祠部王員外雪後早朝即事

長安雪後似春歸積素凝華連曙暉色借玉珂迷曉騎
光添銀燭晃朝衣西山落月臨天仗北闕晴雲捧禁闈
聞道仙郎歌白雪由來此曲和人稀

奉和

一本有杜字

相公發益昌

相公臨戎別

一作發

帝京擁麾持節遠橫行朝登劔閣雲

隨馬夜渡巴江雨洗兵山花萬朶迎

一作垂

征蓋川柳千

條拂

一作撥

去旌暫到蜀城應計日須知明主待持衡

秋夕讀書幽興獻兵部李侍郎

年紀蹉跎四十強，自憐頭白始為郎。
雨滋苔蘚侵階綠，秋颯梧桐覆井黃。
驚蟬也解求高樹，旅雁還應厭後行。
覽卷試穿鄰舍壁，明燈何惜借餘光。

使君席夜送嚴河南赴長水

得時字

嬌歌急管雜青絲，銀燭金杯映翠眉。
使君地主能相送，河尹天明坐莫辭。
春城月出人皆醉，野戍花深馬去遲。
寄聲報爾山翁道，今日河南勝昔時。

暮春虢州東亭送李司馬歸扶風別廬

柳鞦鶯嬌花復殷紅亭綠酒送君還到來函谷愁中月
歸去磻谿夢裏山簾前春色應須惜世上浮名好是閑
西望鄉關腸欲斷對君衫袖淚痕斑

九日使君席奉餞衛中丞赴長水

節使橫行西

一作東

出師鳴弓擐甲羽林兒臺上霜風凌

草木軍中殺氣傍旌旗預

一作須

知漢將宣威日正是胡

塵欲滅時為報使君多泛菊更將絃管醉東籬

西掖省即事

西掖重雲開曙暉
北山疎雨點朝衣
千門柳色連青瑣
三殿花香入紫微
平明端笏陪鸞列
薄暮垂鞭信馬歸
官拙自悲頭白盡
不如巖下一作石偃荆扉一作掩

首春渭西郊行呈藍田張二主簿

迴風度雨渭城西
細草新花踏作泥
秦女峰頭雪未盡
胡公陂上日初低
愁窺白髮羞微祿
悔別青山憶舊谿
聞道輞川多勝事
玉壺春酒正堪攜

赴嘉州過城固縣尋永安超禪師房

滿寺枇杷冬著花老僧相見具袈裟漢王城北雪初霽
韓信臺西日欲斜門外不須催五馬林中且聽演三車
豈料巴川多勝事為君書此報京華

酬暢當嵩山尋麻道士見寄

一作盧
綸詩

聞逐樵夫閒看棋忽逢人世是秦時開雲種玉嫌山淺
渡海傳書怪鶴遲陰洞石幢微有字古壇松樹半無枝
煩君遠示青囊錄願得相從一問師

和刑部成員外秋夜寓直寄臺省知己

列宿光三署仙郎直五宵時衣天子賜厨膳大官調長
樂鐘應近明光漏不遙黃門持被覆侍女捧香燒筆為
題詩點燈緣起草挑竹喧交砌葉柳驛拂牕條粉署榮
新命霜臺憶舊寮名香播蘭蕙重價蘊瓊瑤擊水翻滄
海搏風透赤霄微才喜同舍何幸忽聞韶

送盧郎中除杭州赴任

罷起郎官草初分刺史符海雲迎過楚江月引歸吳城
底濤聲震樓端蜃氣孤千家窺驛舫五馬飲春湖柳色

供詩用鶯聲送酒須知君望鄉處枉道上姑蘇

奉送李賓客荆南迎親

迎親辭舊苑恩詔下儲闈昨見雙魚去今看駟馬歸驛
帆湘水濶客舍楚山稀手把黃香扇身披萊子衣鵲隨
金印喜烏榜板輿飛勝作東征賦還家滿路輝

送嚴維下第還江東

勿歎今不第似君殊未遲且歸滄洲去相送青門時望
鳥指鄉遠問人愁路疑敝裘沾暮雪歸櫂帶流澌嚴子

灘復在謝公文可追江臯如有信莫不寄新詩

六月三十一

一作十三

日水亭送華陰王少府還縣

潭得

字

亭晚人將別池涼酒未酣關門勞夕夢仙掌引歸驂荷
葉藏魚艇藤花罨客簪殘雲收夏暑新雨帶秋嵐失路
情無適離懷思不堪賴茲庭戶裏別有小江潭

錢王岑

一作岑

判官赴襄陽道

故人漢陽使走馬向南荆不厭楚山路祇憐襄水清津

頭習氏宅江上夫人城夜入橘花宿朝穿桐葉行害羣
應自懾持法固須平暫得青門醉斜光速去程

送薛弁歸河東

薛侯故鄉處五老峰西頭歸路秦樹滅到鄉河水流看
君馬首去滿耳蟬聲愁獻賦今未售讀書凡幾秋應過
伯夷廟為上關城樓樓上能相憶西南指雍州

送薛播擢第歸河東

歸去新戰勝盛名人共聞鄉連渭川樹家近條山雲夫

子能好學聖朝全用文弟兄負世譽詞賦超人羣雨氣
醒別酒城陰低暮曛遙知出關後一作去更有一終軍

送陶銑棄舉荆南覲省

明時不愛壁浪跡東南遊何必世人識知君輕五侯采
蘭度漢水問絹過荊州異國有歸興去鄉無客愁天寒
楚塞雨月淨襄陽秋坐見吾道遠令人看白頭

送史司馬赴崔相公幕

一作無名氏詩一作李白詩一本題上有賦得

鶴三字

崢嶸丞相府清切鳳皇池羨爾瑤臺鶴高棲瓊樹枝歸
飛晴日好吟弄惠風吹正有乘軒樂初當學舞時珍禽
在羅網微命若遊絲願托周南羽相銜谿水潛

送嚴黃門拜御史大夫再鎮蜀川兼覲省

授鉞辭金殿承恩戀玉墀登壇漢主用講德蜀人思副
相韓安國黃門向子期刀州重入夢劔閣再題詞春草
連青綬晴花間赤旗山鶯朝送酒江月夜供詩許國分
憂日榮親色養時蒼生望已久來去不應遲

送郭僕射節制劍南

鐵馬擐紅纓
幡旗出禁城
明王親授鉞
丞相欲專征
玉饌天厨送
金杯御酒傾
劔門乘嶮過
閣道踏空行
山鳥驚吹笛
江猿看洗兵
曉雲隨去陣
夜月逐行營
南仲今時往
西戎計日平
將心感知已
萬里寄懸旌

早秋與諸子登虢州西亭觀眺

亭高出鳥外
客到與雲齊
樹點千家小
天圍萬嶺低
殘虹挂陝北
急雨過關西
酒榼緣青壁
瓜田傍綠谿
微官

何足道愛客且相攜唯有鄉園處依依望不迷

佐郡思舊遊 并序

己亥歲春三月參自補闕轉起居舍人夏四月署
虢州長史適見秋草涼風復來昔桓譚出為六安
丞常忽忽不樂今知之矣悲州縣瑣屑思掖垣清
閒呈左右省舊遊

幸得趨紫殿却憶侍丹墀史筆衆推直諫書人莫窺平
生恒自負垂老此安卑同類皆先達非才獨後時庭槐

宿鳥亂階草夜蟲悲白髮今無數青雲未有期

滅胡曲

都護新滅胡士馬氣亦麤蕭條虜塵淨突兀天山孤

尚書念舊垂賜袍衣率題絕句獻上以申感謝

富貴情還在相逢豈間然綈袍更有贈猶荷故人憐

憶長安曲二章寄龐灌

東望望長安正值日初出長安不可見喜一作但見長安

日

長安何處在只在馬蹄下明日歸長安為君急走馬

寄韓樽

夫子素多疾別來未得書北庭苦寒地體內今何如

醉裏送裴子赴鎮西

醉後未能別待醒方送君看君走馬去直上天山雲

題井陘雙谿李道士所居

五粒松花酒雙谿道士家唯求縮却地鄉路莫教賒

題雲際南峰眼上人讀經堂

眼公不下此堂十五年矣

結字題三藏焚香老一峰雲間獨坐臥祇是對山松

題梁鉉城中高居

高居一作住最高處千家恒眼前題詩飲酒後只對諸峰

眠

題三會寺蒼頡造字臺

野寺荒臺晚寒天古木悲空堦有鳥跡猶似造書時

日没賀延磧作

沙上見日出沙上見日没悔向萬里來功名是何物

西過渭州見渭水思秦川

渭水東流去何時到雍州
憑添兩行淚寄向故園流

經隴頭分水

隴水何年有潺潺逼路傍
東西流不歇曾斷幾人腸

秋思

那知芳歲晚坐見寒葉墮
吾不如腐草翻飛作螢火

行軍九日思長安故園

時未收
長安

強欲登高去無人送酒來
遙憐故園菊應傍戰場開

戲題關門

來亦一布衣去亦一布衣羞見關城吏還從舊路歸

歎白髮

白髮生偏

一作太

速交

一作教

人不奈何今朝兩鬢上更較

數莖多

題平陽郡汾橋邊柳樹

參曾居此
郡八九年

此地曾居住今來宛似歸可憐汾上柳相見也依依

失題

帝鄉北近日瀘口南連蠻何當遇長房縮地到京關

獻封大夫破播仙凱歌六首

漢將承恩西破戎捷書先奏未央宮天子預開麟閣待
祇今誰數貳師功

官軍西出過樓蘭營幕傍臨月窟寒蒲海曉霜凝馬一作
劍尾葱山夜雪撲旌竿

鳴笳疊一作搥鼓擁回軍破國平蕃昔未聞丈夫鵠印搖

迎一作邊月大一作將龍旗掣海雲

日落轅門鼓角鳴，千羣面縛出蕃城。
洗兵魚海雲迎陣，秣馬龍堆月照營。

蕃軍遙見漢家營，滿谷連山遍哭聲。
萬箭千刀一夜殺，平明流血浸空城。

暮雨旌旗濕未乾，胡煙

一作塵

白草日光寒，昨夜將軍連

曉戰，蕃軍只見馬空鞍。

春興戲題贈李侯

黃雀始欲銜花來，君家種桃花未開。
長安二月眼看盡

寄報春風早為催

過燕支寄杜位

燕支山西酒泉道
北風吹沙卷白草
長安遙在日光邊
憶君不見令人老

題苜蓿峰寄家人

苜蓿峰邊逢立春
胡蘆河上淚沾巾
閨中只是空相憶
不見沙場愁殺人

玉關寄長安李主簿

東去長安萬里餘，故人何惜一行書。
玉關西望堪腸斷，況復明朝是歲除。

武威送劉判官赴磧西行軍

火山五月行人少，看君馬去疾如鳥。
都護行營太白西，角聲一動胡天曉。

虢州後亭送李判官使赴晉絳

得秋字

西原驛路挂城頭，客散紅亭雨未收。
君去試看汾水上，白雲猶似漢時秋。

五月四日送王少府歸華陰

得留字

仙掌分明引馬頭西看一點是關樓五月也須應到舍
知君不肯更淹留

原頭送范侍御

得山字

百尺原頭酒色殷路傍驄馬汗斑斑別君祇有相思夢
遮莫千山與萬山

送李明府赴睦州便拜覲太夫人

手把銅章望海雲夫人江上泣羅帟嚴灘一點舟中月

萬里煙波也夢君

虢州西山亭子送范端公

得濃字

百尺紅亭對萬峰
平明相送到齋鐘
驄馬勸君皆卸却
使君家醞舊來濃

奉送賈侍御使江外

新騎驄馬復承恩
使出金陵過海門
荆南渭北難相見
莫惜衫襟着酒痕

崔倉曹席上送殷寅充石相判官赴淮南

清淮無底綠江深宿處津亭楓樹林
駟馬欲辭丞相府
一樽須盡故人心

送崔子還京

匹馬西從天外歸揚鞭只共鳥爭飛
送君九月交河北
雪裏題詩淚滿衣

酒泉太守席上醉後作

酒泉太守能劔舞高堂置酒夜擊鼓
胡笳一曲斷人腸
座上相看淚如雨

題觀樓

荒樓荒井閉空山
關令乘雲去不還
羽蓋霓旌何處在
空留藥白向人間

草堂村尋羅生不遇

數株谿柳色依依
深巷斜陽暮鳥飛
門前雪滿無人迹
應是先生出未歸

山房春事二首

風恬日煖蕩春光
戲蝶遊蜂亂入房
數枝門柳低衣桁

一片山花落筆牀

梁園日暮亂飛鴉極目蕭條三兩家庭樹不知人死一作
去盡春來還發舊時花

逢入京使

故園東望路漫漫雙袖龍鍾淚不乾馬上相逢無紙筆
憑君傳語報平安

過磧

黃沙磧裏客行迷四望雲天直下低為言地盡天還盡

行到安西更向西

碛中作

走馬西來欲到天
辭家見月兩回圓
今夜不知何處宿
平沙萬里絕人煙

赴北庭度隴思家

西向輪臺萬里餘
也知鄉信日應疎
隴山鸚鵡能言語
為報家人數寄書

胡歌

黑姓蕃王貂鼠裘葡萄宮錦醉纏頭關西老將能苦戰
七十行兵仍未休

趙將軍歌

九月天山風似刀城南獵馬縮寒毛將軍縱博場場勝
賭得單于貂鼠袍

醉戲竇子美人

朱唇一點桃花殷宿妝嬌羞偏髻髮細看只似陽臺女
醉着莫許歸巫山

秋夜聞笛

天門街西聞搗帛一夜愁殺湘南客
長安城中百萬家不知何人吹夜笛

戲問花門酒家翁

老人七十仍沽酒千壺百甕花門口
道傍榆莢仍似錢摘來沽酒君肯否

春夢

洞房一作庭昨夜春風起故人尚隔一作遙湘江水枕上

片時春夢中行盡江南數千里

冬夕

浩汗霜風刮天地
溫泉火井無生意
澤國龍蛇凍不伸
南山瘦柏消殘翠

句

初程莫早發
且宿灞江頭

陸游嘗稱此句至工

御定全唐詩卷二百一